



Diahuebs Februari 5 2015 -Edicion-8 Vol.194287 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

**Minister Bermudez a bin canta medida
den parlamento**

BASHI PREMIE Y GELIJKBEDRAG TA CORE PELIGER PA 2015

**Punto 19 di medida ta pa stop gelijkbedrag y
bashi premie**

**Besaril a haya carta di Ministerio Publico
Relaciona cu e accidente dia 8
di Maart, no tin nada iregular!**

Landsrecherche a investiga e caso y no tin nada nada robez

**Rey Willem-Alexander y Reina
Máxima lo bishita SAIL Aruba 2015**



**URATACA
CENTER**

**Special di awe:
Banana Stoba, Funchi &
Pan Bati
Afl. 10.00
(di 12 pa 3pm)
Tel: 585-5212**

**Pa evita confusion
den carnaval:**

**Polis NO a
cambia ruta
di Jouvert
Morning**

**MINISTER ANGEL
BERMUDEZ TA
DESENMASCARA BABA
HERDE DEN PARLAMENTO**

**FEBRUARI
TA E LUNA
CRUCIAL PA
FINANZAS
PUBLICO DI
ARUBA**



MEP NA MELVIN TROMP

**Ki dia Melvin Tromp ta
cuminsa haci su trabao
y controla gobierno?**

**Parlamentario di MEP, mr. Xiomara
Maduro:**

**Minister Dowers ta laba
man di e preocupacion
riba negoshi cu permiso y
inmigracion**

**Jan de Ruijter
VAN MACHIAVELLI NAAR HITLER
NAAR SCIENTOLOGY NAAR
MIKE 'DE GESTOORDE' EMAN**

Besaril a haya carta di Ministerio Publico

Relaciona cu e accidente dia 8 di Maart, no tin nada iregular!

Landsrecherche a investiga e caso y no tin nada nada robez

 OPENBAAR MINISTERIE ARUBA	
Postbus 1163 Oranjestad, Aruba	
De heer G.F. Besaril Rooi Koochi 1611 ARUBA	
Havenstraat 2 Oranjestad Aruba Tel +297 521 4100 Fax +297 521 4190	
Onderdeel	Parket van de Officier van Justitie
Contactpersoon	mr. B.J. Schmitz
orkiesnummer(s)	5214166
E-mail	bart.schmitz@omaruba.aw
Datum	28 januari 2015

Geachte heer Besaril,

Zoals u weet deed de Landsrecherche (LR) feitenonderzoek naar de aanrijding in de vroege ochtend van 8 maart 2014, waarbij u betrokken was. Het onderzoek werd op 15 oktober 2014 afgerond en op 22 oktober 2014 werd het terzake door de LR opgemaakte proces-verbaal ten parkette ingeleverd.

Het proces-verbaal is inmiddels door mij bestudeerd. Uit het onderzoek is naar voren gekomen dat u niet de veroorzaker bent geweest van het ongeval. Ook overigens is niet van enig door u gepleegd strafbaar feit gebleken. U hebt weliswaar de plaats van het ongeval verlaten, maar zulks is niet strafbaar gesteld in de Landsverordening wegverkeer.

For di basta tempo caba Partido AVP y henter su gang di chupa sanger a haya ta bon pa cuminsa un atake contra di e parlamentario di MEP, Guilfred Besaril. Pa lunanan largo mester a soporta oyentenan di Canal 90 saca nan gal riba MEP y Besaril. Dado momento e influencia di e oponentenan tabata asina pisa, cu te hasta den propio seno di MEP tabatin hende cu tabata pidi retiro di Besaril.

Otro tabata wordo influencia y tabata puntra: Kico lider di MEP ta warda pa saca Besaril di partido? Mester a soporta humiyacion di tur banda y tabata momentonan toch dificil pa e parlamentario hoben. Tur cos a start ora cu dia 8 di Maart el'a haye envolvi den un accidente y despues cu polis a tarda pa yega, el'a bandona e sitio bay su cas, mientras nunca el'a sconde su identidad. Algun ora

despues el'a presenta na warda di polis pa asina duna su declaracion. A cuminsa un instigacion di "hit and run", cual absolutamente no ta e caso. "Hit and run" ta ora cu bo identidad keda scondi, pero den e caso aki tabata bon conoci cu ta Besaril ta envolvi, pasobra e mes a coy telefon y yama polis pa pidi asistencia. Despues di casi un aña, e politico parlamentario ta haya e decision di



Ministerio Publico, unda ta bisa cu nan a investiga e caso profundamente y a yega na e conclusion cu Besaril no a faya cu ningun ley. E hecho cu el'a bandona e sitio no ta ilegal, pasobra di identidad, su auto, su number di auto ta conoci. Awor e chupa cabranan di AVP a haya un otro golpi. Pasobra a usa e noticia aki pa asina desvia

atencion di Mega Debe, pero na final awor Besaril a haya e carta di "cera boca". Kico nan ta bay grita mañan na Canal 90 awor? Nan tin cu siña pa stop di lastra hende y stop di biba manera diabolito malo venena, cu tur mainta ta bati nan boca di "cera nan".. "cera nan".. awor ta bira "cera bo boca"... "cera bo boca"...

Trai Merdia pa Sta Cruz, Pos Chiquito, Sabana Basora y vecindario

Nos ta duna guia na bo yiu cu su lesnan di scol. Ta inclui lunch y huiswerk hasi in orde. Mihor prijs na Aruba. Pa mas informacion yama 6006946

Minister Bermudez a bin canta medida den parlamento

Bashi premie y gelijkbedrag ta core peliger pa 2015

Punto 19 di medida ta pa stop gelijkbedrag y bashi premie



Ta manera cu un morto a wordo lanta di soño! Pasobra den aña 2014 ya caba a discuti ariba e bashi premie y e gelijkbedrag cu empleadonan publico ta cobra, ora cu Gobierno kier a stop esaki, pero despues a cambia di opinion y a continua cu e pago. Awor na 2015, parce cu e tema aki a bolbe haya forza! Angel Bermudez a splica parlamento di Aruba cu e punto number 19 di medida ta pa stop gelijkbedrag y bashi premie. Aki nan kier scapa 11 miyon florin pa tur e añanan cu ta sigui.

Tur cos ta muestra cu Angel Bermudez lo bay yama un Dialogo Social pa asina e hiba e topico aki y pa convence cada sindicato cu nan mester bay entrega e beneficio aki.

Ariba nos pregunta: Nan kier reduci esaki? Nos a haya como contesta: NO! Nan kier elimin'e completo pa scapa 11 miyon florin.

Esaki sigur ta otro golpi pa empleadonan publico cu awor tin cu bolbe bay keda riba alerta pa loke ta trata e dos pagonan aki, cu awor ta parce cu ta coriendo peliger.

LIDER DI MEP, MR. EVELYN WEVER-CROES FEBRUARI TA E LUNA CRUCIAL PA FINANZAS PUBLICO DI ARUBA

"CFT a duna gobierno di Mike Eman un deadline di dia 1 di Februari pa bin cu un plan elabora tocante e medidanan cu Mike Eman a priminti Hulanda cu e ta bay tuma. Den Februari tambe e presupuesto 2015 mester wordo entrega y esey lo demostra con critico e situacion financiero ta. Y finalmente, den Februari IMF ta bolbe Aruba y lo emiti su rapport final pronto. Di parti di gobierno mes nos no ta scucha nada, pues nos lo mester keda den suspenso atrobe. Tur cos ta muestra si cu Mike Eman ta buscando otro confrontacion", lider di MEP, mr. Evelyn Wever-Croes a duna di conoce.

NOMBRACION NOBO DEN GOBIERNO

Lider di MEP a denuncia cu gabinete Mike Eman ta nombrando cantidad di hende nobo den gobierno, nan ta promoviendo tur hende rond di nan y ta prolongando e contractnan, siendo cu esey no tabata e palabracion. "Mi a discuti esaki cu sr. Van Zwol siman pasa ora mi a reuni cun'e na Aruba, y tambe cu representante di CFT ora mi a topa cun'e siman pasa. Mi no tin problema cu ta yuda esnan cu mester di ayudo, pero no ta asina. Nan ta yudando nan mesun hendenan so y esnan cu mester di ayudo no ta haya



ayudo".

OTRO HUELGA DI HAMBER

Mirando tur locual tin cu tuma lugar e luna aki pa cu e presupuesto, e pregunta cu tin den pueblo ta si tin otro huelga di hamber ta vislumbrando. Pasobra Mike Eman no ta parce di a supera e actitud infantil di keda busca problema y pleito cu Gobernador y cu Hulanda. Ta obvio cu e prome minister di nos pais a perde su strea di nort.

SOLUCION

"Mi ta haci un apelacion fuerte riba prome minister Mike Eman pa e biaha aki

si e comporta su mes manera un gobernante y no recurir atrobe na e acto infantil di bay den huelga di hamber, bebe ensure y yora na television internacional. E cos ey a pone cara di henter nos pueblo na berguena. Antes Aruba tabata e orguyo den Reino, awe nos ta e berguena den Reino. MEP ta compromete su mes pa duna e Arubiano e orguyo un biaha mas, di haci Aruba e orguyo un biaha mas. Cu trabao duro y responsabel nos lo demostra Hulanda, Reino y mundo henter, cu nos si por", lider di MEP, mr. Evelyn Wever-Croes a duna di conoce

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Pa evita confusion den carnaval:

Polis NO a cambia ruta di Jouvert Morning

Pa Polis, e ruta ta keda mesun cos!



Pa evita mal comprendemento of mal informacion innecesario bao di carnavalistanan, Cuerpo Policial Aruba ta confirma cu e ruta di e parada di Jouvert Morning di diasabra awor, a keda mesun cos cu aña pasa! Como tal, e parada lo sali pa 4:00am den Pastoor Hendrikstraat (Joe Laveist), Caya Dick Cooper, B V/D

Veen Zeppenfeldtstraat, Captain Rogers, Lagoweg, Bernhardstraat, Vuylesteckestraat y termina pa 8:00am den Pastoor Hendrikstraat na e mesun Joe Laveist Sport Park. Si tin cualkier otro grupo of organizacion tin pensa di cambia e ruta, te cu awe Mando Policial no ta informa y no a cambia nada pa diasabra awor.

Polis a tene control na Santa Cruz

Polisnan di Santa Cruz, diamars pa 9:00, a tene un control den vecindario di Mahuma y a duna 4 boet. Na altura di Wayaca Falls, nan a mira un auto auto Subaru corra A-32718 para banda di caminda. Polis a reconoce e auto pa di wela di e conocido Heronimo cu ta biba na Piedra Plat. E auto tabata tin su glas kibra y un jerry can den e auto. Polis a bay na cas di e wela pa pone na altura pa bay busca su auto. Tambe Polisnan a para e auto A-36991 un Toyota Tercel blanco na Sero Biento. Na momento cu e chauffeur a habri e dashboard, Polis a mira un grinder y algun sker chikito. Relaciona cu esey, Polis a controla e auto. Polis a haya u n saco cu un cantidad chikito di marihuana, dos grinder, seis simiya den un estuche, Polis a duna e chauffeur un boet.

AVISO

Kantoor di abogado di Mr. Marcolino (Nilo) Croes na Sta. Cruz 27 ta cera te proximo aviso.
Esaki pa motibonan imprevisto

Destruccion di Destruccion di glas pa desconoci auto na Bushiri

Asistencia di Polis a wordo pidi diamars pa 2:22, na un cas den Katunastraat, unda hende desconoci a kibra glas di bentana. Na e cas e habitante a bisa cu desconocirnan a manda piedra riba su cas. El'a bisa cu no ta prome biaha, como cu siman pasa nan a manda piedra y a kibra un glas di bentana. E dia encuestion e no a yama Polis.

Polisnan a bay diamars pa 3:18, na Bushiri unda desconocirnan a kibra un auto. Na e sitio e muher S. a bisa cu desconocirnan a kibra den su auto un Suzuki Ignis color di plata A-49852, pero no a bay cu nada. Polis a tuma e keho.

Desconocirnan a kibra porta

Asistencia di Polis a wordo pidi diamars pa 8:51, na Wayaca Falls pa un destruccion. Na e sitio e homber C. a bisa cu dialuna pa mas o menos 16.00, el'a laga e edificio na yabi y intacto. Diamars pa 5:00, el'a constata cu desconocirnan a kibra glas di e porta di glas na e banda. El'a bisa cu nan no a bay cu nada. Polis a tuma e keho.

Homber a keda sin lift y sin placa

Asistencia di Polis a wordo pidi diamars pa 3:10, na e parada di bus L.G. Smith Blvd pa un homber fastioso. Na e sitio polis a papia cu e guardia, kende a bisa cu dos homber a bin eyan pero uno a bay caba. Polis a papia cu e homber cu a keda, un tal C. di 73 aña, kende a bisa cu e tabata hunto den Silver Palace cu un homber desconoci. El'a paga e homber 50 florin pa e hib'e su cas. E homber a bay busca su auto y no a bolbe mas. Polis a hiba C. na su cas na Warawara.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Fundacion pa Hende Muhe
den Dificultad

**NO MAS violencia den bo
cas y bo bida.**

**Nos t'ey: pa scucha, yuda, duna
guia y sosten.**

Yama: 583 5400 - Primavera 1-B

Dialuna – Diabierna 8 am - 5 pm

MINISTER ANGEL BERMUDEZ TA DESENASCARA BABA HERDE DEN PARLAMENTO

Parlamento a reuni cu minister di finanzas, sr. Angel Bermudez tocante e rapport di CFT. Den e reunion tabata obvio cu e minister tabata contradiciendo tur e mentiranan cu integrantenan di AVP ta treciendo padilanti, especialmente di Baba Herde. Baba Herde a sali e siman aki cu e hilaridad mas grandi: cu ta oposicion a busca CFT y cu oposicion ta di acuerdo cu CFT.

Sr. Angel Bermudez tabata cla y raspa den dos cos: cu ta AVP a pidi CFT haci investigacion y cu ta AVP mes a propone e 24 medidanan menciona den e rapport di CFT. Pues ningun momento ta asina cu ta MEP a busca CFT, ni cu MEP ta di acuerdo cu CFT. Ta AVP a busca CFT y ta AVP mes a propone e 24 medidanan cu CFT ta papia di nan.



Sr. Bermudez a bay mas leu: Cu e 24 medidanan ey ta den e presupuesto di 2014 caba; e presupuesto cu Baba Herde mes a vota VOOR. Ta obvio cu Baba Herde no sa mas con pa saca su curpa y pesey a lanza e mentira mas absurdo cu por a sali di su boca. Sr. Angel Bermudez a desbarata Baba Herde y laga bon cla un biaha mas cu Baba Herde ta un mentiroso patologico!

Workshop 'Pone meta' y 'Conoce bo organizacion' na biblioteca

Biblioteca Nacional Aruba ta ofrece 2 workshop pa adulto. Ta trata di un workshop 'Goal setting' (Pone y logra meta) di 2 sesion, 17 y 24 di Februari 2015 y e otro ta 'Conoce bo organizacion' cu ta tuma lugar dianan 3, 10, 17 di Maart 2015. Tur dos workshop ta tuma lugar na edificio central di Biblioteca Nacional den George Madurostraat na Playa.

Den workshop di Goal setting puntonan di atencion ta: Con un persona por ta exitoso den pone su soñonan den meta pa ta exitoso, E tres pasonan cu ta haci hende exitoso, Con ta pone metanan den practica y con bo por traha plan pa logra meta a base di un SMART model.

Durante workshop di 'Conoce bo organizacion' participantenan lo bay studia e temanan: Kico ta un organizacion? Cual ta e diferente forma



di organizacion y e liderazgo y maneho den bo organisacion. Y por ultimo Principio di Time management den bo organizacion.

E workshop ta wordo facilita pa Sr. R. Vrolijk y

por registra via g.jie-sam-foek@bibliotecanacional.aw. Workshop ta diamars mainta di 10'or pa 12'or. E workshop ta gratis pa miembro di biblioteca y pa no - miembro e ta 10 florin.

Homber burachi a yama Polis cu el'a wordo menaza cu arma di candela

Polisnan a bay diamars pa 19:32, na Esso Heights, unda un homber a yama warda di Polis y a bisa cu el'a wordo menaza cu arma di candela. El'a bisa cu e tambe tin intencion di bay busca un arma pa regla asunto cu e mucha homber. Na e sitio e homber C. a bisa cu el'a caba di yega cas y a mira un mucha homber cu un arma di candela den su man. El'a puntra e mucha homber kico e kier haci y e mucha homber a core bay. Polis a nota cu C. tabata hole na alcohol y a cambia su declaracion varios biaha. Polis a conseha C. pa e bay duna keho na Recherche. Un rato despues Polisnan a bolbe bay na Esso Heights y a topa C. cu un botter di cerbez den su man. El'a bisa cu el'a bolbe topa e mucha homber. El'a puntre si el'a apunta un arma di candela den su direccion. E mucha homber a core bay y a grita " awor si bo ta bay h... " Polis a bolbe bisa C. pa e bay Recherche.



Fundacion Cas pa Comunidad Arubano

PARTICIPACION

**FCCA ta participa cu
Diabierna venidero, 6 di februari 2015
ta tene su annual
"Corporate day"**

**En coneccion cu esaki tur su oficinannan lo ta
sera riba e fecha aki.**

**Diasabra 7 di februari FCCA lo ta habri normalmente
for di 8'or di mainta te cu 12'or di merdia.**

Sabana Blanco 66 – B. van der Veenzeppenfeldstraat 63 - Belgiëstraat 2
Tel: 522-FCCA of 522-32222 - Fax 583-6272

SINTONIZA RADIO Y GANA UN PLATTER DI SUBWAY

‘Perfecto pa tur ocasion’


SUBWAY
eat fresh.®



Manera ya caba hopi sa Subway tin su dushi platternan di Sub, Wrap y Cookie cu semper ta fresco y ta bon pa tur ocasion. Hopi ta esnan caba cu a yama y a busca nan platter sea pa nan meeting na trabao, pa un fiesta na cas of djis un get together cu amistadnan. “Nos ta sumamente contento di e reaccion cu nos ta ricibi di pueblo riba

nos platters” Tai- Foo Lee di Subway a cuminsa ta bisa. “Nos a ripara un trend unda cu hopi hende awor ta tene mas cuenta cu kico nan ta come pa asina keda bon alimenta durante un meeting, fiesta di famia of encuentro deportivo envez cu nan order cos nan menos saludabel. Asina aki nos a nota tambe cu hopi hende ta busca nan platter

awor y bay cu esaki na nan trailer como tambe ora nan ta na cas den un grupo ta dorna paña pa paradanan di Carnaval.” Como gradicimento Subway a uni cu locutornan local pa asina por tin chens di gana un platter completamente GRATIS! Sintoniza nos radionan di Aruba y duna bo nomber ora nan menciona esaki pa asina bo participa pa gana un dushi platter, sea di cookie, pan of wraps di Subway cu bo por comprati cu bo sernan ker. Locutornan y radionan participante cu ta forma parti di esaki ta nada menos cu Erin Croes di Magic FM cu show entre 9am – 11am, Jerrino Bass di Exclusive VIP na Top FM cu su show entre 3pm – 5pm, Rico Rijk in de Morgen di Fresh FM cu show di 7am – 10am, John “El Niche” Watts di Latina cu su show entre 3pm – 6pm, Sonri di Caliente FM cu su show entre 1pm – 5pm, Julie Julie di “The Morning Power” na Power FM entre 8am – 10am anto sin lubida nada menos cu Ivo 4life di Canal 90 cu su show di 2pm – 5pm. Pues sintoniza un di e shownan menciona y sigur amplio oportunidad pa ta un feliz ganador y disfruta di un dushi platter di Subway Aruba completamente GRATIS! Si abo tambe kier order un platter pasobra



hunto cu amigonan ta bezig ta decora trailer of decorando bo pañanan di carnaval djis yama un di nos localidadnan y order di bo. SUBWAY tin 7 localidad parti strategicamente ariba nos isla y ta habri tur dia di 7:30am pa 11:00pm. Pues semper tin un Subway cerca dibo. Nos number nan di telefoon pa order bo platter ta lo siguiente Cura Cabai (588-4388), Savaneta (584 4377), Sta. Cruz (585 1277), Paradera

(582 1077), Palm Beach (586 0277), Alhambra (280 1277) y Renaissance Market Place (583 4177). Sigui tur desaroyo di SUBWAY como tambe di e diferente campananan via www.facebook.com/SUBWAYARUBA y ariba twitter na @SubwayAruba y kedabo bon informa. Akinan por laga gerente di Subway sa tambe kico bo experiencia ta cu cualkier producto y servicio di Subway.

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta Rosa
Tereno, Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



MEP NA MELVIN TROMP

Ki dia Melvin Tromp ta cuminsa haci su trabao y controla gobierno?

Parlamentario di AVP Melvin Tromp a bolbe bek di vacacion y a cuminsa tira scop den tur direccion. Si no ta lider di MEP, ta Fraccion di MEP, ta Partido MEP. Ta manera cu e tin un amor scondi riba MEP y no por biba sin e politiconan di MEP. Te hasta e atencion di Melvin Tromp na nos politiconan ta PATETICO!

Ta obvio cu nan tin e meneerakiden Parlamento solamente pa ataca MEP, siendo cu pueblo ta pague pa controla su gobierno. Ki dia Melvin Tromp ta cuestiona gobierno pa e robo den dia cla na Lotto pa Deporte?

Ki dia Melvin Tromp ta cuestiona gobierno pa abuso di fondo cu compania di mercadeo? Ki dia Melvin Tromp ta cuestiona gobierno cu nan no ta inverti den enseñanza, perhudicando e hobennan den nos pais?

Ki dia Melvin Tromp ta cuestiona e falta di interes di gobierno den promove deporte manera debe ser? Envez di haci su trabao, Melvin Tromp ta tira scop pa loco y pa colmo sin waak su mes! Pasobra, papiando di bochoro tras di bochoro, Melvin Tromp tambe tin algun riba su number. No ta Marlon Sneek so!

Hendenan cu ta sostene AVP mes tin berguenza di dje caba. Storianan cu tin di e parlamentarionan di AVP cu ta abusa di alcohol, droga y di hende muher, tin comunidad cansa caba. Y ta hustamente e mesun hendenan aki cu comportacion bochoroso ta esnan cu ta tribo cuestiona otronan. Pesey tin un dicho ta bisa, "mira e balki den bo propio wowo prome cu mira e splinter den wowo di otro".

Awe 5 di Februari lo aparece den Corte di Prome Instancia



Pa 8:30 am: R.A.G. y C.P.B.: Caso di ontneming.

Pa 10:30 am: L.R.T. ta wordo acusa di a intencionalmente maltrata un mucha (esta, su yiu) cu un arma (esta, un faha) riba 25 di September 2013, door di dal e varios biaha cu faya na su pecho y/of pia, y a tene y push'e duro, door di cual e mucha a sufri lesion y/of dolor.

Pa 11:00 am: F.J.V. ta wordo acusa di ladroncia di blekinan di lechi y/of spam den un supermercado riba 26 di October 2014. E ta wordo acusa di ladroncia den un otro supermarket di bebida sterki riba 27 di Oktober 2014.

Pa 11:30 am: M.O.W. ta wordo acusa di posesion di cocaine riba 28 di Mei 2013.

Parlamentario di MEP, mr. Xiomara Maduro:

Minister Dowers ta laba man di e preocupacion riba negoshi cu permiso y inmigracion

Siman pasa Parlamento a debati cu Minister Dowers riba e ola di criminalidad cu ta suta nos Pais y e situacion di ilegalidad na nos frontera. Durante e reunion nos a haci diferente pregunta na e mandatario riba e preocupacionnan cu ta ser treci dilanti pa ciudadanonan di nos Pais cu ta concerni ilegalidad na nos frontera, e problemanan na inmigracion y tambe riba negoshi cu ta wordo haci cu permiso na nos Pais. Lamentablemente nos Minister Dowers a keda masha corto den contesta y a laba man di e preocupacionnan treci dilanti.

Negoshi cu permiso

Nos a haci pregunta na e mandatario di Husticia si tin un investigacion andando riba permisonan cu ta wordo duna, ya cu nos a compronde cu tin mas di 10 mil permiso cu lo a wordo duna pa trahador domestico. Nos a puntra e mandatario si ta normal cu tanto cas ta pidi permiso pa un hende bin biba cerca nan pa haci trabao domestico. Minister Dowers a djis laba man bisando cu e no ta minister di extranheria. Esaki sigur no ta un contesta serio cu Parlamento ta spera di un minister di Husticia, ya cu no ta normal cu tanto permiso asina ta wordo duna y pa esaki lo mester por tin un investigacion y e Minister di Husticia mester por ta na altura di esaki.

Inmigracion



Na varios ocasion e trahadornan di Inmigracion a trece nan preocupacion dilanti cu nan no tin material pa traha, no tin uniform, no tin landsbesluit, no ta haya bevordering y ta mira cu e hefenan si ta haya kledingvergoeding, telefoonvergoeding, auto di dienst y bevordering. Pesey nos a trece e reclamo aki dilanti cu e pregunta na Minister Dowers kiko ta wordo haci cu e preocupacionnan aki. E mandatario di Husticia aki tambe a djis laba man bisando cu ta leiding mester zorg pa material y no ta tur cos un minister sa. Banda di esaki e Minister a core pa su responsabilidad door di trece dilanti cu ta MEP a crea problema na Inmigracion door di nombra hende na inmigracion cu no ta cualifica. Di un minister encarga cu Husticia nos a spera un contesta mas serio ya cu ta trata aki di cuida di nos frontera.

E excusa fofu cu MEP a nombra hende no kita e responsabilidad di Minister Dowers pa atende cu e reclamonan cu e cuerpo di Inmigracion ta trece dilanti na un manera serio.

Mocion di desconfianza

Un Minister mester responsabiliza su mes debidamente na Parlamento. Un Minister di Husticia no por djis laba man riba preocupacionnan cu ta biba den comunidad riba e negoshi cu permiso y inmigracion. Pa e motibo aki y mas Fraccion di MEP a presenta un mocion den cual nos ta desaproba e maneho di Minister Dowers. E fraccion mayoritario den Parlamento no a sostene e mocion aki y di e manera aki a bay di acuerdo tambe pa laba man di e preocupacion riba negoshi cu permiso y inmigracion.

Sra. Suzette Ling a celebra su 25 aña di servicio na DIA




promovi durante añanan den diferente rango y actualmente e tin e rango di Hoofddcommies den e funcion di especialista tecnico B den ICT. Sra. Ling ta hopi aprecia door di su coleganan y por depende riba dje. Tambe e ta conoci pa su amabilidad, confianza y exactitud y semper e ta cla pa duna un man y pa duna un bon conseho.

A celebra e ocasion special aki na un forma sublime. Suzette a treat su coleganan cu un delicioso lunch y hopi snacks masha dushi, como tambe bolo y chuculati na cantidad cu sigur a cay na agrado di un y tur. E ambiente tabata tremendo unda Eddy Leest cu su one man show a deleita tur presente cu un repertorio musical hopi varia. Suzette mes a percura pa un decoracion fabuloso cu coloran plata y ros tuna, cu tur hende a encanta. Gerencia, personal y algun ex-colega di DIA ta felicita sra. Ling cu su hubileo di 25 aña y ta gradici'e pa su dedicacion na su trabao y ta spera cu sra. Ling lo sigui cu nos pa hopi aña mas.



Recientemente, sra. Suzette Ling, a celebra na oficina di Directie Informatievoorziening en Automatisering (DIA) su 25 aña di servicio. Sra. Ling a drenta den servicio di Gobierno riba 1 di Januari 1990 como Adjunct Commies 1ste Klas na Servicio Central di Computacion (SCC, actual DIA). El'a keda



Omar Castañeda, empleado di año 2014 di Radisson Aruba Resort

Ademas a honra empleadonan cu a cumpli 25 año di servicio



Diamars ultimo den e Grand Caribbean Ballroom di Radisson Aruba Resort a tuma lugar un celebracion elegante na honor di e empleado nan cu mas a sobresali den año 2014. Glenn Farro, Director di Recurso Humano hunto cu Mark Naber, Director interino di Operacion, tabata tin e grato placer di yama e distinguido invitadonan bon bini na e celebracion special aki. E anochi a inicia cu palabra nan di aprecio y gratitud pa rindi honor na 11 empleadonan cu a cumpli 25 año den servicio di e prestigioso resort. Nan ta Glenda Tromp, Ricardo Maduro, Minerva Pantophlet, Hubert Rozenberg, Erica Alvarez, Jessica Robert,

Joyce (Patricia) Alexander, Edeltrudis (Betico) Flanegin, Antonia Bello, Thelma Franken, Helena Dake y Jacqueline Boasman. "E hecho cu nan a dedica mas di 25 año di nan bida na e compania aki ta remarcable y sigur di aplaudi", Farro a comenta. Despues di un cena delicioso cu a wordo prepara pa e ekipo culinario encabeza pa Anthony Martinus, a pasa pa e premio mas anticipa di henter anochi, esta e premio di Colega di Año. E nominadonan pa Colega di Año tabata e personanan cu a logra e titulo di colega di luna den e año 2014. Nan ta Elizabeth Cordoba, Christina Adams, Sheila Morales, Gilbert Arends,



Omar Castañeda, Jairo Maduro, Sandra Kock, Winnie Mabalay, Caroly Croes, Carmen Feliciano, Carolyn Santos y Mary Fingal. Por a sinti e alegria den e sala na momento cu a anuncia Omar Castañeda di Housekeeping Department como e ganador absoluto di e titulo di Colega di Año 2014.

Omar su supervisornan a describi'e como un colega ehemplar. E ta un persona sumamente balente cu no sa bisa no. E ta eherce su tarea como houseman den un forma excepcional durante dia y cu mesun energia y carisma e ta sirbi e huesped nan durante otro funcionnan. Adhunto por

aprecia algun imagen di e celebracion cu tabata tin un tema carnavalesco, cu presentacion di brassband, bailarinnan y un show acrobatico di Ritmo Cubano hunto cu entretenimiento musical di Mini D cu a percura pa e ambiente sigui te den ora nan laat di anochi



PARTICIPACION

SETAR N.V. ta informa cambio den orario di Teleshopnan y SETAR Store.

diabierna dia 6 di februari 2015
tur Teleshop y SETAR Store lo
ta habri di 7:45 am pa 4:00 pm.

Servicionan di Contact Center
(118, 114, 139, 117, 5834000 y 5251700)
ta keda habri normalmente.

Nos disculpa pa cualkier inconveniencia

TRASH BY RONCHI CU ESPECTACULAR MODA PLUS SIZE !

Piezanan di moda casual cu hopi estilo y color pa e hende muher cu mas curva.



Definitivamente e coleccion di moda Plus Size di TRASH BY RONCHI ta causando impacto durante Carnaval 61. E boutique a lanza un coleccion di piezanan di moda casual cu hopi estilo y color pa e hende muher Plus Size. Jeans, shorts, tops y "day dresses" den tur estilo ta e items mas hot di temporada. "Nos a zorg pa presenta un coleccion plus size cu ta sinonimo na tendencianan di moda internacional.

Pa nos moda plus size mester ta pa tur edad y tur gusto manteniendo semper e corte- y tecnicanan cu ta disimula cierto partinan di curpa y duna realce na otro partinan" ta locual diseñador di moda Ronchi De Cuba a duna di conoce. Un favorito sigur ta e "day dresses" cu ta bistan casual pa uso den dia y cu ta consisti di telanan liviano cu ta respira bon, perfecto pa e clima di Aruba.

Esakinan ta wordo presenta den diferente color, corte y estampado. TRASH BY RONCHI ta habri di Dialuna pa Diasabra di 10'or di mainta pa 7'or di atardi y ta situa na playa na Sibelius Straat # 8. Pa mira mas di e coleccion di TRASH BY RONCHI por like nan pagina ariba Facebook, www.facebook.com/TRASHBYRONCHI

Boticanan Mediq a haci donacion na Fundacion Ban Uni Man pa Cria Nos Muchanan



Oranjestad – Boticanan Mediq cu ta parti di e famia grandi di Visser Corporation a haci un bunita donacion na “Fundacion Ban Uni Man pa Cria nos Muchanan”. Di e forma aki Boticanan Mediq a adopta 20 mucha pa henter e aña di 2015. Durante luna di December 2014 “Fundacion Ban Uni Man pa Cria nos Muchanan” a publica cu na Aruba tin un cantidad grandi di mucha cu ta bay school sin desayuno. E fundacion aki ta existi ya caba pa mas di 13 aña y den pasado e cantidad di sponsor tabata suficiente pa e cantidad di muchanan cu no tabata tin desayuno. E cantidad di muchanan cu ta bay school sin desayuno a aumenta y e cantidad di sponsor a baha como resultado cu mas o menos 400 mucha ta na peliger di no sigui

haya desayuno prome cu cuminsa les.

Boticanan Mediq como parti di un famia, a sinti e responsabilidad pa reacciona riba e comunicado aki. E famia di Boticanan Mediq na lugar di haci un fiesta grandi durante fin di aña hunto cu su empleadonan a dicide di haci un donacion na e “Fundacion Ban Uni Man pa Cria nos Muchanan”. Riba potret por mira drs. Yvonne Escalona CFO di Boticanan Mediq ora cu a entrega e check na balor di Awg 8.400,- na e presidente di “Fundacion Ban Uni Man pa Cria nos Muchanan” señor John Fun.

Boticanan Mediq ta kere den duna bek na comunidad di Aruba y especialmente e muchanan cu ta e futuro di nos pais.

Den e categoria di menos cu 4 miyon pasahero den America: Routes Americas ta premia Aeropuerto di Aruba “Highly Commended” pa excelencia den Airport Marketing



Durante un anochi espectacular pa network den Seawall Ballroom ofreci door di Denver International Airport, Aeropuerto di Aruba a ricibi premio “Highly Commended” pa excelencia den Airport Marketing den e categoria di menos cu 4 miyon pasahero. E award a wordo orguyosamente ricibi door di aeropuerto su Head Airline Marketing, Jo-Anne Arends Barbara Brown, Business Unit Manager Terminal. Mas di 650 profesional den e mundo di aviacion tabata hunto pa presencia e presentacion di e awardnan y pa participa na e di 8 Routes Americas – e evento pa desaroyo di rutanen mas grandi den America.

E evento di otorgamento di award anual di Routes ta wordo considera como e award mas valioso den e industria door cu ta e comunidad di

airline network planning mes ta vota. Nan ta brinda e oportunidad na e comunidad di aerolineanan pa bisa cua aeropuerto ta duna mihor servicio di mercadeo en general na nan, sea e ta den nan relacion particular, resultadonan efectivo, provision di data y informacion of uso di tecnicanan inovativo pa crea of mantene rutanen nobo of existente. Aeropuerto di Aruba a wordo nomina pa e Airport Marketing Award hunto cu Regina Airport Authority (Saskatchewan, Canada), Montego Bay International Airport, Savannah/Hilton Head (Georgia) y State College (Pennsylvania).

E finalistanan a wordo nomina door di aerolineanan y despues un panel di hurado respeta cu tabata consisti di senior members di e comunidad di airline network planning

di e region a repasa e lista di loke cada nominado a entrega pa asina determina ken ta e ganadornan. E panel a consisti di e siguiente expertonan: John Kirby, VP di Capacity, Alaska Airlines - Adriana Hurtado, Director of Network Planning, Avianca - Dave Clark, VP Network Planning, JetBlue - John Weatherill, Director of Network and Schedule Planning, WestJet - Lukas Johnson, VP Network and Pricing, Allegiant - Angel Garcia, Director Network Planning, VivaAerobus. E nominacion- y awardnan ta un benchmark importante pa nos por monitoria con nos ta haciendo den comparacion cu e competencia, mirando cu tur aeropuerto awendia ta bay full swing pa conquista e industria di e aerolineanan.

E award aki ta un bon manera pa nos tin un reconocimiento reconoci cu nos por orguyosamente comparti cu nos clientenan y otro stakeholdernan. “Esaki ta un bunita reconocimiento di e logronan di nos team di mercadeo di aviacion di e aña cu a pasa. Pa wordo reconoci pa nos trabaonan duro door di esnan di e industria ta hopi valioso,” asina AAA su CEO James Fazio a bisa.

RECORDATORIO PA ESNAN CU TA COBRA BIJSTAND NA SAN NICOLAS

Departamento di Asunto Social ta recorda tur esnan di distrito di San Nicolas cu ta cobra bijstand cu a cambia e fecha pa cobra esaki pa luna di Februari.

Pa motibo di forza mayor e pago di luna di Februari 2015 lo bay tuma lugar riba diabierna 06-02-2015 di 8'or di mainta te cu 12'or di merdia na Postkantoor San Nicolas en vez di diasabra dia 7di Februari, manera ta e custumber.

Ta pidi clientenan di San Nicolas pa tuma bon nota di e cambio aki, lo no tin otro dia pa cobra e bijstand pa luna di Februari 2015. Pa mas informacion por yama libremente na Tel. 582-1100 y pidi pa seccion di bijstand Di antemano masha danki pa e comprension

Partido di flyer bao di influencia di alcohol

Central a manda Polisnan diamars pa 9:40, den Ruizstraat, na altura di A.P.A., unda tin un muher ta parti flyer y supuesamente ta bao influencia di alcohol, mirando cu e ta hule alcohol y ta papia cosnan bruha. Na e sitio Polis a papia cu e muher C.M. naci na Estados Unidos di 54 aña, cu ta parti flyers pa Kevin's Jewelry. Mirando su situacion, polisnan a core cune for di e sitio y nan a bay papia cu e doño. E homber V. naci na India, a bisa cu e ta trahando riba e papelnan di C.M. pa e dun'e su retiro. Polis a bisa P.V. pa no manda C.M. mas na porta di haf pa parti flyers. Despues cu Polisnan a papia cu e doño, nan a bay na e porta di A.P.A. y a bolbe topa cu C.M. El'a keda deteni y hiba warda di Polis.

Lisette Gomes di PDR: AUMENTO DI SCHOOLGELD DI SKOA LO AUMENTA PROBLEMANAN SOCIAL



Corridor cu a wordo firma recientemente, tin prioridad ariba educacion? Esaki ta un señal cu kier mantene e pueblo aki ariba un nivel abao? Cu ki fin? Ta critica mayornan bisando cu si no por paga e schoolgeld cu pakico a haya yiu, den otro palabra cu e criatura nan aki di menos recurso no merece di ta riba e Mundo aki? Anto ora di campaña ta cerca e mayornan aki boso ta bay busca voto! Foei, Gobierno di Aruba, asina aki boso tin Aruba na pecho!! Dicon na hermana isla Corsou si educacion basico ta gratis?

E consecuencia di e aumento aki lo ta uno impactante y na final di dia lo causa un dolor na e muchanan cu pa motibo di esaki lo wordo stroba riba derecho di educacion. A introduci leerplicht, awor con e esaki lo funciona si e mayor (nan) no por paga e suma aki? Lo duna e mayor (nan) aki un "boet", awor si no tin ni pa paga e schoolgeld? Esaki lo trece preocupacion y hopi mas stress pa mayornan cu atrobe lo ta consecuencia pa nos muchanan. Prioridad aki na Aruba mester ta na prome lugar 'Educacion', na di dos lugar 'Educacion' y na di tres lugar 'Educacion'!! Un Pueblo EDUCA tin e miho futuro, un futuro firme y solido.

Desde 26 di Januari 2015 carta di SKOA a cuminsa jega den man di mayornan y esaki a causa un preocupacion grandi cerca tur mayor incluyendo esnan cu tin solamente 1 yiu na school, corda esnan cu tin 2, 3 of 4 yiu. Hopi ta cuestiona e aumento di e schoolgeld diripiente y asina drastico. E ta un decision hopi impactante, djis pensa por ehempel e efecto riba e mayornan cu ta cobra minimumloon, cual ta bao e asina yama "bestaansminimum". E pregunta ta, a haci un onderzoek na e porcentahe cu ya tin dificultad pa paga e 75.00 florin y busca un solucion no pa yuda

e mayor nan sino pa brinda e criatura un estudio, cual ta algo cu tur mucha na mundo tin derecho ariba dje? Ariba dje mester paga 150.00 florin na aircogeld, esaki ta un suma total di 400.00 florin pa cada yiu. Sin conta uniform y articulo nan di school cual ta un lista largo cu school mes ta entrega na e mayor nan na comienzo di aña.

Gobierno di Aruba no tin ningun hustificacion pa corta den e subsidio na SKOA, ta unda nos placa di belasting ta bay anto? E respuesta ta simpel, Gobierno di Aruba tin su prioridad nan completamente robz. E proyecto di Green



Santa Cruz 38 Tel: 585-3323

SPECIAL SPECIAL

Mens haircut Afl. 20.00
Womans haircut Afl. 25.00

Special on Keratina Special riba tur servicio
Yama haci bo cita

Nos orario nobo di 9:00 am pa 6:00 pm

Pa cualkier ocasion special, request bo make up profesional.

Bishita nos, tin un crew di estilista profesional ta cla pa atendebo.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

PAGINA JAN DE RUIJTER.....

HARD TALK (week 27)

In deze nieuwe serie afleveringen in Solo di Pueblo belicht Jan de Ruijter, vaste columnist bij Solo di Pueblo, elke donderdag een interessant thema met scherpe kantjes. Voor commentaar: janderuijter@yahoo.com

VAN MACHIAVELLI NAAR HITLER NAAR SCIENTOLOGY NAAR MIKE 'DE GESTOORDE' EMAN (deel 1)

Tot nu toe beschreef ik in deze serie 'Hard Talk' de volgende redenen voor het falen van Mike Eman als premier van Aruba en als mens en persoon. In kort resume:

DNA, genen en opvoeding

1. Het DNA en de genen van de familie zijn bijzonder slecht, ik heb daar in deze serie al genoeg en goed onderbouwd over geschreven! De Emannen hebben altijd al van huis uit gediscrimineerd en beschouwen zichzelf als de Patriciërs, de Nobelitas van Aruba en de rest van ons, als domme Plebejers, mensen van de mondi en cunucu.

2. Mike heeft veel last gehad van zijn opvoeding als kind; het was niet makkelijk met een altijd dronken vader die zijn gezin niet onderhield of opvoedde. Dat werd door anderen gedaan. Ene Fink, Bareno en Alberts wisselden elkaar af, brachten geld en eten en namen ondertussen ook nog wat zaadjes mee waardoor Henny Halve Eman het daglicht kon zien. Heel moeilijk allemaal! En pijnlijk. Mike heeft veel geleden! Kreeg nooit speelgoed en werd ouder onder de wrok en haat die hem allerlei complexen bezorgden.

3. Mike groeide op en werd daarbij nog eens een grote narcist, een sociopaat/psychopaat EN een pathologische leugenaar. Bij een analyse en vergelijking tussen Mike 'de Verwarde' Eman en de definitie van een sociopaat kwam ik maar liefst tot 162 overeenkomstige kenmerken! Genoeg voor mij om te stellen dat ik niet alleen vind dat hij een sociopaat/psychopaat is maar dat hij dat ook IS want hij beantwoordt aan maar liefst 162 kenmerken van sociopathie/psychopathie, dus aan de definitie die wij aan die woorden hebben gegeven!! 4. Mike is ook vooral dom, gevaarlijk dom zelfs; hij was een slechte leerling op school, kwam nooit verder dan commis op het notariskantoor van zijn zus, heeft nooit iets bereikt, heeft geen enkele opleiding om over naar huis te schrijven, heeft ook totaal geen managementcapaciteiten, en heeft totaal geen persoonlijkheid of uitstraling. Domme mensen kunnen geen land besturen, zo simpel is dat. Oud-buschauffeur Nicolas Maduro kan dat niet in Venezuela en ex-bartender Hans Spekman kan dat niet in

Nederland.

De obsessie met dictators

5. Mike heeft een obsessie met dictators en heeft thuis alle boeken over Machiavelli, Bonaparte, Hitler, Jim Jones, Ron Hubbard, en Saddam Hussein; van ieder van hen heeft hij heel veel afgekeken en kennelijk heeft hij van hen veel geleerd en overgenomen! 6. Mike is behept met wrok en haat jegens de maatschappij en jegens normale mensen vanwege zijn seksuele gestoordheid als a-seksueel of waarschijnlijker nog als auto-seksueel. Om zijn hetero-seksualiteit aan te tonen, trouwde hij plotsklaps en ging een jaartje of zo later vlak voor de verkiezingen van 2009 nog eens snel hertrouwen om de kiezers vooral voor te houden dat hij toch vooral helemaal hetero-seksueel was/is!! Op dat moment wisten we eigenlijk al dat hij vreemd en gestoord was. 7. Daarbij is hij nog eens godsdienstig gestoord en meent te behoren tot de Katholieke kerk, tot de Protestantse en is tegelijkertijd Caribisch-evangelic, is Joods, doet mee met de Vrijmetselaars, praktiseert Voodoo en behoort tot de kerk van Scientology.

8. Dan is hij nog eens helemaal gek over alles wat met Haïti te maken heeft door de invloed van zijn vrouw die daar is opgegroeid. Mike staat onder grote invloed van de gewoontes en tradities van zijn vrouw en het laatste woord is daar nog lang niet over gezegd.

Machiavelli en Hitler

Zo zien we dat Mike Eman's gekheid deels te herleiden is tot het DNA en genen van zijn grootouders, tot de opvoeding door zijn ouders en zijn omgeving, tot meerdere natuurlijke 'giften', en tot een aantal van zijn eigen domme beslissingen waar hij zelf 100% verantwoordelijk voor is. En waar komt nu toch die invloed en obsessie met dictators vandaan? Al heel lang geleden hoorde ik over de invloed die Machiavelli heeft gehad op meerdere politieke partijen op Aruba doch ik heb mij er nooit verder in verdiept totdat ik de noodzaak voelde om meer over het functioneren van ons 'aller' Mike te begrijpen en ik deel nu mijn opgedane kennis daarover met de lezers van Solo di Pueblo!

Het handelen van Mike 'de Gestoorde'

Eman gaat terug tot het werk van Niccolo Machiavelli (1469-1527) de Italiaanse politicus, filosoof, geschiedschrijver, stichter van de moderne politieke wetenschappen en auteur van het boek De Vorst (the Prince). Dat boek beschrijft uitvoerig hoe een politicus macht verkrijgt en macht behoudt; Machiavellisme is een uitermate negatief bedoelde uitdrukking voor sluwheid, bedrog, wreedheid, doortraptheid, onoprechtheid, gewetenloosheid en immoraliteit, en het meten van iemands Machiavellisme wordt in de psychologie gedaan in zaken zoals een narcistische persoonlijkheidsstoornis en psychopathie. Herkent u ook al iets van deze woorden en zinnen in onze Mike Eman? Precies, u leest hier van alles over het gedrag van Mike Eman als persoon en als premier. Ik zal u nog meer over Machiavellisme vertellen namelijk de 10 lessen van de Meester en de basisprincipes:

De basisprincipes van Machiavellisme

1. Het doel heiligt de middelen. Alle middelen, moreel en immoreel, zijn daartoe geoorloofd, immorele middelen blijken dikwijls het meest succesvol. Een politicus moet een mens die dom en zwak is UITBUITEN!

2. Zelfhandhaving en machtsvermeerdering zijn de grondslag van al het politiek handelen. De belangrijkste bezigheid van de vorst is het bemachtigen, consolideren en in stand houden van zijn macht. Machiavelli staat bekend om zijn amorele machtspolitiek op basis van staatsmacht.

Machiavellisme en Emanisme

Begint u in te zien hoe het huidige Emanisme op Aruba overgenomen is door onze Gestoorte Mike Eman vanuit het Machiavellisme?

Ik weet zeker dat u nu al snakt naar het vervolg van deze aflevering en ik beloof u dat het nog veel spannender en erger gaat worden. U krijgt waar voor uw geld!! Waar elders krijgt u zoveel nieuwe kennis voor Afl 1.50! Alleen in Solo di Pueblo! Wordt vervolgd.

RBC Royal Bank ta patrocina e prome "Camp Millionaire" na Aruba

Presenta pa Aruba Kidspreneur Stichting y Kids Inc. Aruba



Dialuna 2 di Februari, RBC Royal Bank conhuntamente cu Kidspreneur Stichting y Kids Inc. Aruba a lanza 'Camp Millionaire' pa prome biaha na Aruba. 'Camp Millionaire' ta un proyecto di Kidspreneur Stichting hunto cu Kids Inc. Aruba unda cu nos muchanan cuminsando for di 10 aña te cu 14 aña y di 14 te cu 18 aña a ricibi tur conocimiento y conscientizacion di Educacion Financiero. E proyecto innovativo aki a wordo inicia door di sra. Nancy Maya y conhuntamente cu programa- y organizacionnan internacional, a trece esaki Aruba. Como entidad financiero RBC a mira e importancia di ta un partner den e proyecto aki y ta

kere den e potencial di e campamento di educacion financiero como un pilar importante den crea for di e hobennan aki, adultonan consciente cu por desaroya y contribui na un economia estable cu potencial di crecimiento na Aruba. Durante conferencia di Prensa, sr. Pierre Rafini, Country Manager Aruba, Market Head di Business Banking, DC & Suriname, a splica, "RBC ta sostene y aporta na "Camp Millionaire" pa motibo cu e ta duna hobennan un base financiero fuerte cu nan mester pa crece y bira adultonan financieramente responsabel". Segun sr. Rafini esaki ta formaliza RBC su compromiso pa yuda mehora e bienestar general di e mucha via di diferente proyecto

riba varios tereno, entre otro comprendemento financiero of alfabetismo financiero. RBC ta sumamente orguyoso di por ta e main sponsor di Aruba su prome Camp Millionaire. RBC conhuntamente cu Aruba Kidspreneur Stichting y Kids Inc. Aruba ta invita comunidad completo pa registra pa e 'Camp Millionaire' cu lo tuma lugar dia 28 di Februari 2015 y dia 1 di Maart 2015 pa muchanan di 10 pa 14 aña. Dia 7 y 8 di Maart 2015 ta pa muchanan di 14 pa 18 aña. Pa registra por subi website www.kidsincaruba.com of tuma contacto cu sra. Nancy Maya na 565-5739. Mester menciona cu 'Camp Millionaire' ta completamente gratis.

MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIERNA




Polis a atende chauffeur riba comportacion den trafico



Den e dianan aki polis ta teniendo diferente control na diferente punto. Dialuna atardi un di nos colaboradornan a capta momento cu polis a para

un auto no mucho leu di warda di polis na San Nicolas mes y a controla su documentonan y a atende cun'e pa su comportacion den trafico.

Maltrato a resulta di ta intermediacion



Diahuebs mainta a drenta informacion di un caso di maltrato unda un homber a maltrata un dama cu tabata cu un mucha chikito na un apartamento na Montaña. Mesora a dirigi un patrulla pa e sitio.

Na yegada di e patrulla a bin comprende cu aki tabata trata unicamente di un intermediacion. Polis a papia cu esnan involvi y a splica nan con nan por resolve nan diferencianan na un mihor forma.

MEP: KICO MARLON SNEEK A HACI PA INTEGRIDAD TE AWE?

10 MOTIBO PAKICO BO NO POR CONFIA MARLON SNEEK

Marlon Sneek, parlamentario di AVP, luna pasa a wordo poni den e comision di Integridad di Reino, ora a hala lider di MEP. Un decision dictatorial di Baba Herde, cu a cay den masha mal tera cerca tur hende, especialmente cerca e politiconan Hulandes, cu tur conoce e historia di Marlon Sneek, pero tambe a cay den masha mal tera cerca hendenan di AVP mes!

Marlon Sneek probablemente ta e politico riba lista di AVP cu tin mas escandalo tras di lomba, di hopi tempo pasa, te cu awor ainda. Ta importante pa nos recapitula e motibonan dicin ta asina insolito cu AVP ta scoge hustamente e persona aki, pa asina ningun hende lubida:

1. Marlon Sneek a wordo deteni pa polis despues di a horta jeans, y hasta tin un proces verbal di e ladronia aki di Marlon Sneek. 2. Tambe a gara Sneek ta horta whiskey. 3. Su dedenan largo, el'a demostra tambe hortando aroz. Sneek a wordo demanda pa gobierno Hulandes pa incumplimento cu pago di su studielening na Hulanda. 5. Sneek a malusa placa di pueblo, ora el'a viaha bay shop na Panama cu placa di Parlamento, ora cu el'a exigi pa Parlamento paga 7 dia di 'daggeldvergoeding' pa un reunion di 2 dia! Mescos cu otro biahe pa Colombia! Te dia di awe e NO a paga e placa aki bek tampoco. 6. Na un hotel a gara Sneek ta horta carni

7. Sneek ta un di esnan cu a pasa e ley pa yena su propio saco, den apenas 6 minuut, drechando su mesun salario na forma barbaro, mientras cu el'a pasa pueblo un medida tras di otro! 8. den su anjanan mas jong Sneek tabata masha conosi pa



Nr.: 195018935-1	Titel: WINKELDIEFSTAL	Begin: 15/12/1995
(persoon)		Nr:
Geslachtsnaam	SNEEK	
Voornamen	ALFRED MARLON	AM
Geboortedatum	31/10/1972	Geboortejaar: 1972
Geboorteland	ARU ARUBA	Nationaliteit: NL NEDERLANDSE
Geslacht	M	Geboren te:
Pstcd/Plaats	DAKOTA	
Straat	SHIMARUKUSTRAAT	Land: ARU ARUBA
Gemeente	LAND ARUBA	Verificatie: A 26/07/2002
Datum uijz.	13/05/2004	OVERIGE GEGEVENS:
Tel. prive		Zaak:
Spreektaal	PAP PAPIAMENTO	Burg. staat:
Beroep	STUDENT (I.P.A.)	Overleden:
Ouders/Voogd	N	

kibra auto, prome un jeep, despues un toyota color oro, y varios mas, y e particular den cada un di e accidentenan aki ta cu semper tabata tin alcohol involvi. 9. Ultimo tempo Sneek a bolbe hay'e den basta problema den trafico, manera por mira riba e foto adunto, el'a haya su mes involucra den un accidente di trafico, y el'a muestra di tin problema serio cu incontinenencia, si mira e mancha riba su carson, algo cu e mes a admiti durante reunion publico, cu ora bo causa un accidente bo mester para, "maske bo a pishi of pupu bo paña"! 10. pero e mas serio di tur ta dia su auto na forma masha misterioso a dal basha cura di cas abao, casi mata

hende, laga hopi holor di alcohol y core bay. Otro "hit & run", pero e biaha aki un "primo" a wordo pusha dilanti pa carga responsabilidad. Y naturalmente despues di esaki, e "primo" aki a haya un contract diki diki cu gobierno. Y puntra bo mes, kico el'a haci te ainda? El'a haci net nada pasobra e no sa ni kico kier meen "integridad". Esaki ta e representante di Aruba pa traha riba integridad di nos gobernantenan. Bo ta kere cu e persona aki ta capaz di haci esaki? Mike Eman a pusha e mihor persona pa e posicion aki, pasobra Marlon Sneek lo percura pa tanten Mike Eman ta den gobierno, Aruba no haya NINGUN ley di integridad!

Rey Willem-Alexander y Reina Máxima lo bishita SAIL Aruba 2015



Pa invitacion di Gobernador di Aruba Fredis Refunjol, Su Mahestad Rey Willem-Alexander y Su Mahestad Reina Máxima lo ta presente dia 1 di Mei 2015 na e SAIL Aruba 2015.

Durante e bishita Gobernador lo ta anfitrión di e Pareha Real. Organizacion di e bishita lo ta den man di Gabinete di Gobernador, den estrecho colaboracion cu e diferente departamento di gobierno. Mas detaye di esaki lo wordo anuncia despues. E evento SAIL Aruba 2015 ta un evento maritimo cu lo tuma lugar na e waf na Oranjestad diana 1, 2 y 3 di Mei 2015, den cuadro di celebracion di 200 aña

di Reino. E evento ta wordo organiza bao responsabilidad di Gobernador den un colaboracion unico entre diferente partners, en particular e Marina Real, Aruba Ports Authority, SEL Maduro, Divi Resorts, Pais Aruba y Gabinete di Gobernador.

Mas informacion riba SAIL Aruba 2015. Facebook: Sail Aruba. Punto di contacto pa prensa: Tamara Waldron: +297 593 9065 of tamara.waldron@arubaports.com Mas informacion riba e bishita di e Pareha Real: mr. M.G.J. Boelen MBA, MM, director di Gabinete di Gobernador. (preferiblemente via e-mail:) boelen@kabga.aw

Solanio Restaurant @The Ritz Carlton a presenta su breakfast-lunch bufette



Diadomingo ultimo ariba un invitacion special pa prensa, Solanio Restaurant, Solo di Pueblo y Canal 22 den persona di Sandra Croes a presenta na un tremendo y excelente breakfast y lunch bufette. Un bufette cu variedad grandi den diferente plato di cuminda. Tin diferente stacionnan unda cu abo por pasa y escoge tur locual e delicianan cu e bufette aki ta ofrece. Tin un stacion specialmente cu platonan tipico di Aruba y pa finaliza un stacion specialmente cu dushi dessert. Aruba ta keda cordialmente invita pa bishita y taste e sabroso bufette aki di Solanio. Tur diadomingo di 12 merdia pa 3:00pm atardi. Masha danki na Myandra y Jahira di Marketing Dept. pa e invitacion y special treat aki y laga nos di Solo di Pueblo y Canal 22 pasa un dushi diadomingo @The Ritz Carlton.

Solo Local....

Teniente Moises Henriquez

"Inicialmente mi tabata skeptico cu e programa SVT pero awo mi ta mas cu convenci cu e ta bon"



E aña'ki a inicia e di shete grupo di Sociale Vormingstraject (SVT), miho conoci como Formacion Social na Papiamento. Teniente

Moises Henriquez, kende a keda en carga awor cu e parti militar di e Formacion Social, na inicio no a kere cu e programa aki lo bay funciona. Sinembargo, awe e por bisa cu e ta cumpliendo cu su

meta. Esaki el a duna di conoce na momento cu e participantenan di e di 7 Grupo di Formacion Social a pasa nan prome

tres siman leu di cas cu exito.

Diabierna, 30 di Januari ultimo e prome grupo di Formacion Social cu ta bou guia di Henriquez, a haya permiso pa bandona Marinierskazerne. Pa e ocasion aki, ta invita mayor y familia di cursistanan pa acudi na un ceremonia durante cual e hobennan ta demostra kico nan a siña den e periodo di tres siman na Kazerne.

E grupo cu a keda despues di tres siman, Henriquez a bisa, ta hopi motiva. "Mi sa cu nan por finaliza e programa. Door di e tres siman cu nan a caba di pasa aden, cu

ta basta fuerte fisica- y mentalmente, e hobennan a demostra cu nan mes kier cambia. Nos no por haci tur cos pa nan, y nan a demostra cu nan tin den nan loke ta necesario pa finalisa e parti militar." El'a agrega cu mayornan ta hunga un rol grandi pa sigui motiva e hobennan durante henter e trayecto di Formacion Social. "Mayornan mester sostene y sinti nan mes orguyoso di nan yiunan asina nan ta haya mas gana di finalisa e programa y drecha nan bida."

Teniente Henriquez ta forma parti pa algun aña caba di AruMil na Marinierskazerne, incluso

ora cu e programa aki a wordo introduci na 2011. "Prome mi tabata un tiki skeptico di e proyecto ora cu nan a introduci'e, pero cu e gruponan cu a finalisa, bo ta wak e resultado final. E hobennan cu ta haya nan certificado na final, ta hobennan cu a cambia y ta musta e gana di kier logra algo den bida. Nan tin mas confianza den nan mes y mas disciplina. Tin ta cay afo y kier bay cas y na nan bida bieu, pero despues ta arepentí. Nan ta mira cu no tin nada ey'fo pa nan y hopi ta bolbe purba den SVT. E ora nan ta bin cu mas motivacion y ta cab'e."

MIKE KIER SUBI SCHOOLGELD PA 250 FLORIN!!

BAN PROTESTA DIAHUEBS ATARDI DI 3:30 PA 5'OR NA SKOA

UN BOCA BISA OTRO: TUR MAYOR CU TA SINTI CU ESAKI TA INHUSTICIA, BIN SIN FALTA.

BIN PITA AUTO, SONA ALARMA, BATI WEYA, BIN CU PANCARTA!

DIAHUEBS 3:30 pa'or pm DILANTI SKOA, (net pabao di Canal 90)

Anuncio paga

Solo Local.....

Obhetivo di Ministerio di Infrastructura pa 2015

Facilita proceso di tereno como estimulo pa sector priva



Minister Benny Sevinger a duna di conoce e obhetivonan principal di su Ministerio pa 2015, especificamente den e tereno di infrastructura. Esaki tabata e tema principal di e conferencia di prensa semanal di Gobierno di Aruba. Despues cu e lista di proyectonan inicia y ehecuta pa Gabinete Mike Eman durante ultimo añanan a baha for di mas cu 100, pa actualmente bou 70, e mandatario ta delinea un maneho cu lo sigui sostene e industria local di construccion, pero incluyendo tambe e sector priva. "Den 2015 a pone dos punto di salida pa infrastructura: Un ta caba e proyectonan cu ta andando, prepara e proyectonan cu mester bin y e otro parti ta pa stimula proyectonan di sector priva colaborando cu e parti di tereno y permiso di construccion," segun Minister Sevinger. Relaciona cu esaki, Minister Sevinger a sostene diferente reunion cu e departamentonan concerni. Tambe el a indica cu su Ministerio a pidi ayudo Kadaster na Hulanda pa cu e proceso di midimento di tereno. Gobierno a ricibi un

oferta cu ta inclui tambe e coreccion di liñanan. Basa riba esaki, e titular di infrastructura ta keda cu den un par di luna por actualiza e retraso cu tin. "Hunto cu oficianan di notario ta bay realisa e proceso pa esaki bira mas lihe y adecua y asina proyectonan por start, tanto di Gobierno como priva," Minister Sevinger a splica. E mandatario encarga cu infrastructura tambe a reuni cu DIP y DOW, pasobra nan tambe ta carga un papel clave den e plannan aki, specialmente den caso di proyectonan di vivienda. A splica cu kier crea un contacto mas practico cu e cliente, pa medio di cual ta soluciona cualkier asunto mas lihe y facil. Minister Sevinger a bisa cu "ta bezig ta wak tur proyecto di vivienda y comercial di sector priva pa purba pusha nan y por start mas lihe posibel cu ta trece cu companianan di construccion ta haya trabou, sub-contratistanan tambe ta haya y nan empleadonan ta haya un entrada cu por inverti bek den nos economia." Finalmente a indica cu lo adapta reglanan pa asina por cumpli cu e demanda di sector priva.

Proyecto 'Postzegel Rancho' cu potencial grandi pa crea sinergia entre cultura y turismo



Diarazon mainta Minister di Cultura Otmar Oduber a haya un presentacion for di e Fundacion Monumento Aruba y Stichting Rancho, unda nan a presenta e plan y vision pa e proyecto 'Postzegel Rancho'.

Durante e presentacion Sra. Anne Witseburg a splica riba e importancia pa realisa e proyecto aki pa mantencion y preservacion di nos monumentonan y tambe pa conserva e herencia cultural di e area aki.

'E proyecto 'Postzegel Rancho' ta un proyecto cu lo ilustra un stampia di loke Rancho ta representa. Como fundacion nos ta mira e proyecto Rancho como e area cu ta cuminsa na lama te cu Boliviastraat, cu ta un pida cu ta coy solamente Ranchostraat, Visstraat, John G. Emanstraat y Emmastraat y den e presentacion nos a introduci na e Minister di Cultura e potencial cu e blok a tin,' Sr. Clifford Rosa Director Stichting Rancho a bisa.

Fundacion Munumento Aruba hunto cu Stichting Rancho y stakeholders tin ya 2 aña trahando riba e plannan. Tambe a splica riba kico a wordo haci

caba y kico ta loke falta pa wordo haci den cuadro di e realisacion di e proyecto aki.

Rancho ta un di e barionan mas bieu di Aruba rico na monumentonan y tambe e tin hopi herencia no tangibel, manera ritualnan tradicional, cu ta duna proyecto aki un balor mas grandi ainda y ta crea asina aki un coneccion entre cultura y turismo.

Por medio di e proyecto aki por mira e posibilidadnan cu tin unda e restauracion di un blok di un bario manera Rancho, lo por presenta historia y

preserve miho, Sra. Anne Witseburg a bisa.

Pa Minister di Turismo y Cultura e proyecto aki sigur ta un balor agrega na e turismo di Aruba, unda e combinacion di cultura y turismo lo crea un atraccion mas pa e clase bishitante di awendia cu tin hopi mas interes den e historia y herencia cultural di e isla banda di e aspecto di lama y santo blanco. Mas aun mirando e ruta di e tram saliendo for di e Cruise Terminal, unda e unico cu bo ta encontra na caminda ta un serie di monumentonan, yena cu historia y cultura.

The Art of Engraving nv

Engravings on Marble – Granite - Mirrors
Wine Glass- Wood –Metal- Designs
Photo ceramic-Awards-Tombstones
Tiles and much more
Rooi Afo 33- C, Paradera,
Tel: 5884433, 7413449, 5934757
Email: theartofengraving@hotmail.com



Solo Local.....

Eddy Ras di Democracia Real

Educacion no ta un prioridad pa Gobierno, green corridor si!

Actualmente e schoolgeld di SKOA a aumenta di 75 florin pa 250 florin. SKOA tin tres tipo di scol cu e ta maneja, kleuterschool, basisschool y Mavo. Ultimo siman di januari mayornan cu tin yui na un di e scolnan cu ta wordo maneja pa SKOA, a ricibi un carta tocante sistema nobo di reinscripcion. Esaki ta pa sigura e cupo di alumno na un scol. Aserca ta bin den e carta cu mayornan tin cu paga na luna di maart e suma di schoolgeld completo of e suma inicial di 125 florin na banco. Mayornan cu paga solamente e parti inicial, tin oportunidad pa paga e suma restante te cu 30 di juni 2015. Un otro punto cu ta bin dilanti ta, cu mayornan cu tin un yui cu ta bay un scol cu airco y cu ta wordo maneja pa SKOA, mester paga 150 florin extra pa aña. E motibo di aumento di schoolgeld ta cu SKOA su meta principal ta pa brinda enseñansa di calidad pa su alumnonan. Tambe ta sigui splica, pa por sigui desaroya y mehora e ideologia aki, SKOA mester a tuma e decision di aumenta e pago escolar. SKOA kier brinda su alumnonan miho enseñansa, pero e subsidio di gobierno no ta alcanza. Pues ta Gobierno ta forsa SKOA pa busca otro forma pa hisa su entradanan, paso e ta campa cu un deficit grandi door cu Gobierno no ta aloca suficiente medionan financiero

pa educacion. Mientras na hermana isla Corsow si Gobierno a insisti pa educacion basico ta gratis, locual ta sona logico ora bo ta introduci un leerplicht.

Banda cu schoolgeld ta aumenta, costo di bida ta aumenta, necesidadnan di scol ta aumenta, transporte pa scol ta aumenta. Como pa manda un yui scol ta bira caro, tin e chens cu un porcentahe di hobenan lo bay drop out, paso pa hopi mayor e ta bira impagabel. Awo, Gobierno a introduci leerplicht. Mayornan cu tin cu yui entre 4 pa 16 aña y no cumpli cu leerplicht, por wordo confronta cu un boet entre 250 pa 2500 florin. Si mayornan pa motibo financiero no por cumpli pa manda nan yui scol, con nan ta bay logra paga un boet? Hallo? Como cu e subsidio di enseñansa no ta alcanza, e Pueblo humilde tin cu bay carga e peso. Na mesun momento cu Pueblo tin cu bay carga peso pa mantene enseñansa di

calidad pa nan yui, Gobierno ta anuncia cu aki dos siman e compania Odinsa encarga cu construccion di Green Corridor, lo firma cu e banco Aleman Deutsche Bank. No tin subsidio suficiente pa Asuntonan Social y enseñansa pero pa proyectonan grandi si tin manera pa jega na finaciamento pa decenas di aña, poniendo peso riba generacionan! E mesun personanan cu tin cu bay paga e debe di infraestructura ta nos generacion y e siguiente generacionnan. Cu gobierno su prioridad di inverti den infraestructura y no subsidia Asuntonan Social y enseñansa, e ta bin ta creando esclabitud moderno. Esclabitud moderno paso ciudadanonan ta core risico di cay den un spiraal di debe y haya nan ta biba pa paga debe, ja cu ta un hecho cu e salario minimo ta hopi mas abou di e minimo na entrada cu mester pa biba na un manera digno den e economia actual (e asina yama "bestaansminimum"). Y como cu hopi no tin un diploma den man, nan mester bay keda purba biba cu un sueldo minimo deficiente. E prome dos ministernan cu ta responsabel pa e consequncianan aki ta, minister di Enseñansa y minister di Asuntonan Social cu ta minister di Hubentud tambe. Minister di Enseñansa mester percura pa scolnan na Aruba tin e equiponan pa brinda enseñansa di bon calidad. Tanto pa alumnonan como docentenan. Esaki nos ta trese dilanti paso p.e. un mecanico no mester di un edificio bunita pa drecha un auto, dune e toolsnan adecua y e ta drecha e auto. Mescos un docente no mester solamente un lokaal nobo sino tambe e materiaaln correcto pa e y e alumnonan por traha. E minister di enseñansa mester a percura pa scolnan haya nan subsidio mane debe ser y no cu mayornan tin cu bay carga e peso financiero. Minister di Asuntonan Social di su banda ta permiti su mesun gobierno pa crea problemanan social. Y esnan cu ta bay wordo mas perhudica ta e hobennan cu ta na e scol na e momento nan aki. Ta nan futuro ta wordo perhudica mas cu tur. E minister a permiti gobierno pa corta den Asuntonan Social pa baha gasto. Momento cu mayornan no por paga enseñansa di nan yui, ta serca e minister ey nan ta bay bati na porta. A bay corta den Asuntonan Social pero pa e maneho cu gobierno actual, e gasto di Asunto Social lo bay bolbe aumenta. Pues ta demostra cu hobennan no ta un prioridad pa gobierno. Pa e dos ministernan menciona, sigur cu no, paso ta nan dos mester a sali na defensa di enseñansa y e hobennan. Si no bin cambio den prioridad di e Gobierno actual, nos tur ta bay sufri di e consequncianan.



28 FEB 2015
FAYA BO HAYA⁷
 ENTRADA: 15 FLORIN ADULTO / 5 FLORIN MUCHA @ PALOMARGA
 MAS CU 10.000 FLORIN CASH PRIZES
 FBH SCOOTER / JR DRAGSTER / QUAD RACER
 FBH STREET / FBH BIKE / FBH BRACKET / FBH BONUS
 ORARIO: DOORS OPEN 1:30 PM / START 3:00 PM

CAPT JACK (ROCKET KART)
6 SEC. OVER 200 MPH

BEARINGS, Shell, Top95, SOLO, UC, KING OCEAN SERVICES, e, RUIZ TAKE AWAY, DA SILVA RACING, SafeCom

Solo Local.....

Maisa Faro (PDR) ta haya cu introduction di 1% BAZV causando confusion, frustracion y preguntanan



Desde 1 December 2014, un di e tanto medidanan cu a wordo implementa e asina yama Health Tax of BAZV. Su entrada a causa basta desacuerdo y tambe bastante confusion serca e consumidor principalmente e comerciante y e propio oficina di Impuesto. Nada contra e oficina di Impuesto pero, no mucho informacion correcto a wordo distribui na e

cudadano.

A wordo bisa cu e porcentahe aki lo genera un suma di Awg. 70 miyon pa anja y gobierno lo mester pone Awg. 20 miyon pa cubri debenan di AZV. Nunca e fondo aki no a wordo maneha corectamente y semper gobierno mester a hinca Awg. 90 miyon cu ta placa di pueblo den e pot di AZV. BAZV no

tin un aangifte propio y mester pone cobranza hunto cu BBO riba e aangifte. Supuestamente e anja benidero tur cobranza locual ta trata loonbelasting, winstbelasting y BBO/BAVZ lo bira digital y cu supuestamente lo bai tin mas control di entrada di cada negoshi. Pero nos problema ta awor, con e cobranza di e aangiftenan aki por wordo controla? Dicon warda pa asina tin consecuencia riba e comerciante cu a wordo mal informa?

Anja pasa a wordo bisa cu tur hende asta e turista lo contribui cu e BAZV, pero recientemente ta wordo bisa cu ta comerciante so lo mester carga cu e peso di e 1%. Unda e respet pa e comerciantenan ta? Pakiko tanto peso riba e pover cudadano y e comerciante? Asinaki e gobierno actual a promove durante campanja pa cudadano inverti den e economia?

Un di e tantisimo pregunta

ta, si AZV mester genera 90 miyon y solamente 70 miyon ta wordo genera den kiko e 20 miyon aki ta wordo cobra y bou ki sorto di belasting, pa cuanto tempo e porcentahe aki lo mester genera e supuesto suma aki. Despues di a genera e suma e 1% lo e wordo remove of kita, e lo keda e mesun 1% of lo aumenta di porcentahe? Dicon no aumenta e prima di AZV directamente, pa no aumenta BBO a disidi di bini cu BAZV? Con ami como cudadano mester compronde e extra fondo aki crea pa gobierno?

Sinembargo si gobierno a maneha e finanzas di e Pais mas na serio, awe nos no ta sinti e ola di efectonan. Mester corda cu diferente instancia manera Cft, S&P, Fitch a indica cu mester bini cu sancion di medida pa trece sanacion financiero. Ja pueblo ta carga cu diferente sancion caba manera un costo di bida rigurosamente halto, aumento den cobranza di

utilidad, cortamento den ensenanza y aumento di SKOA pa cu mayornan cu tin yiunan na scolnan catolico, cortamento den esnan disabilita y nos grandinan su pension y mucho mas. Cuanto mas e pueblo mester carga y no ta haya nada bek di parti di gobierno sin papia di e azeta cu a baha na 45 USD pa bari y cu nos como cudadano no ta sinti efecto den prijs di utilidad, ni comestible y ni boternan di gas pa cushina cune manera nos hermana isla Corsow.

Nos di PDR su posibel solucion ta simpel manera, dunando pueblo informacion corecto, stimula e economia den forma simpel y maneha e finanzas corectamente ja asina por tin confianza atrobe den nos politiconan y e trabow cu ta wordo haci. Pasobra pueblo ja no sa mas kiko lo bai pasa y tampoco por carga cu consecuencianan financiero grandi.

584-4715
594-1881

Motel

Sports bar & Restaurant / Nightclub

San Nicolas

Pastoor Hendrikstraat # 6A(Pabou Centro Medico IMSAN)

Daily Lunch Specials FRI-SAT (11am-3am) / SUN-THUR (11am-1am)

Monday: Different soups
Wendsday: Creole Dishes
Thursday: Curry Dishes
Friday: Fish Dishes
Saterdag: Mixed Dishes
Sunday: Mixed Dishes

Surinam Specials

Bamie, Nasie, Pom,
Roti, Moksie Alesie,
Saoto, Moksie Metie
Broodjes

Sides

Arroz moro, Arroz Blanco, Banana, Batata, Funchi, French Fries

Free Delivery from orders of five(5) and more!!!!

Frídays 5-6 Happy Hour
Dushi snacks always on the House



Daily Specials

Saco
BBQ

Chicken Wings Basket
Chicharon / Chimichuri
Saltfish & Johnny Cakes
Stoba (Cabrito / Carni)

Sulz
Mondongo

Solo Local....

Bin y participa ne Free Zumba Carnaval Event dia 10 di februari

Diamars di 10 di Februari Arubazumba Fitness ta organiza un biaha mas un FREE Zumba Carnaval event unda tur hende ta bon bini pa bin baila y goza riba canticanan carnavalesco y get fit pe Dushi temporada di Carnaval. E evento aki ta tuma lugar na Compleho Deportivo Frans Figaroa di 6:30 di atardi te cu 8or di anochi!

aki sigur no tabata posibel sin e patrosinadornan cu ta BrasilSul, Goisco, Gatorade, Curiosa, Splenda y High Performance. Pues bin get Fit net prome cu e ultimo weekend di Carnaval! E ta bay ta un biaha mas TREMENDO!



Rose-Ann Ruiz-Woorts di Arubazumba Fitness hunto Denise Krosendijk-Pechacek di Zumba Yara lo ta e instructoranan di Zumba durante e anochi special aki.

Durante e evento aki BrasilSul ta bay tin su tent cu panjanan deportivo cu tremendo descuento pa tur participante y tambe Curiosa Gift shop lo tey cu regalonan unico pa dia di San Valentino. Splenda tambe lo tey presente y cada un participante lo ricibi awa Goisco y Gatorade. Na final di e evento ta bay tin doorprizes unda cu e tur participante tin chens di gana tremendo premionan.

Pa haci e evento aki uno mas divertido ainda, lo saka e Zumba Carnaval Queen di Aruba y tambe su prins! Tambe ta bay tin un premio special pa esun cu bin miho disfraz. E evento



Aruba Softball Bond hunto cu SV Royal Power y HEINEKEN ta anuncia



Champ of the Champs 2015

"The ninth Edition" 29 Juni pa 5 di Juli 2015



Teamnan cu ya a confirma: Destroyers y Suffisant Eagles (Curaçao), Farah, Los Francos y Cabayeros De Merida (Venezuela), Los Fuertes y Cristobal (Republica Dominicana), dos sorpresa Canada y USA. Keda pendiente!!!!

Solo Local.....

Aportando cu nos hobennan

Seven Seas ta contribui cu material pa hungadornan di baseball Arubano



E proyecto di Aruba Baseball Players, un organizacion di beisbolistanan Arubiano Profesional cu a firma contract den exterior, a inicia 2 aña pasa bou liderasgo di e beisbolista Arubiano, Eugene Kingsale, unda ta brinda oportunidad na nos hobennan prospecto den e deporte di baseball, un training intensivo, mientras nan ta di vakantie na Aruba. Pero e biaha aki, e producto Seven Seas tambe a join e proyecto, door di percura pa tur e materialnan necesario pa

e hobennan por continua nan training riba top nivel.

Un total di 15 atleta ta beneficia di e proyecto aki, permitiendone nan pa sigui cu nan trainingnan durante e off season. E atletanan aki ta Arubiano, cu ta bezig cu nan programa deportivo na sea Merca, Santo Domingo of Venezuela y ta trata di e adolescentenan di edad 17 – 25 aña. Mas cu claro, Seven Seas ta mira e gran importancia di e disciplina, dedicacion y motivacion di nos hobennan y p'esey mes, a opta pa contribui

enormemente cu e materialnan necesario pa nan training.

"Mi ta haci esaki como un gesto pa duna algo bek na mi comunidad, unda cu nos yiunan di tera ta haya oportunidad pa sigui train profesionalmente. Di e forma aki tambe nos por encurasha y motiva otro hoben pa sigui den e mundo di deporte di baseball. Mi ta gradici tur e sponsornan, specialmente Seven Seas, cu ta kere den e proyecto y den nos talentonan deportivo, ya cu Aruba tin potencial y

sigur talento den e deporte tan gusta aki", Eugene a enfatisa.

Seven Seas, cu tin un variacion amplio di suplemento, specialmente pa cualkier tipo di deporte di nivel halto, ta sostene e

proyecto di Aruba Baseball Players completamente, brindando e 15 beisbolistanan Arubiano Profesional aki tur e materialnan necesario pa sigui nan trainingnan manera un profesional.

Con pa abona na Solo di Pueblo?

Facil...

Yama nos oficina na 585-9500 y nos lo entrega bo corant tur mainta tempran den bo porta di cas.

Costo di Abono: Afl. 35.00 pa luna

Abona na Solo di Pueblo:

**Afl. 35.00 pa luna
Yama 5859500**

**Tur mainta tempran
nos ta entrege den
porta di bo cas!
Keda semper bon
informa!**

NO ENFRENTA CANCER DI PECHO BO SO

Adress: Sabana Blanco 8 Tel: 588-9999



Solo Local.....

Docente ganado di e Green Chair Competition 2015

“Mi ta haya e iniciativa aki hopi bon y spera cu otro aña e ta sigui atrobe”

Jarissa Dubero ta docente di CKV, Cultureel Kunstzinnige Vorming na Colegio San Augustin MAVO na San Nicolas y Maria College MAVO na Oranjestad. Esakinan ta dos di e tres scolnan cu a bay cu e prome cuater luganan den e edicion 2015 di e 'Green Chair Competition'. E ta kere firmemente den e tipo di actividadnan aki caminda no solamente ta desaroya e talento creativo y artistico di e hobennan, pero tambe ta educa nan riba conservacion y amor pa nos isla.

Dubero a guia e studiantenan di e diferente klasnan, bayendo asina cu e di prome, di dos y di tres premio den

e competencia. Diabierna anochi den e ceremonia di anuncio y entrega di premio, sin duda algun tabata un anochi yena di emocion pa e docente. “E ta un orguyo hopi grandi y literalmente cada rato mi mester a pone cada scol apart paso mi no por tuma parti pa un so y pone e otro un banda; tur dos mester wordo trata igual.”

E ta un creyente den e importancia di concepto di reciclahe y ta contento di wak con pais Aruba a adopta y profundisa den e tema 'Green'. Como educador, e ta haya cu hobennan ta wordo conscientisa riba tur e posibilidadnan. “Ambos scol a tuma cu man y pia y

hopi entusiasmo,” Juffrouw Dubero a comenta.

Adicional na e uzo di material cu a benta afo, Dubero a percura pa su studiantenan a haya un les adicional den e proyecto. “Mi a cuminsa e les lagando nan scucha e himno di Aruba,” el'a bisa. el'a ripara cu casi ningun a lanta para. “Esey no por, pasobra mester duna respet” y asina a scoge nos isla como e tema principal di cada creacion.

E ta lamenta si cu no ta hopi scol a participa. E biaha aki tabatin un total di seis scol cu a presenta casi 70 stoel. E ta kere cu e tipo di iniciativa aki “ta trece un union den e competencia. Un mucha ta puntra con esun di e otro



scol ta.” E ta spera cu otro aña e evento ta sigui atrobe. “Nos studiantenan mester di cosnan asina pa conscientisa nan riba sushedad y pa no susha Aruba,” el'a indica.

Tambe ta invita coleganan pa haci uzo di e oportunidad aki. Nan por bini hunto y organisa actividadnan similar of tambe reta otro incluyendo

algun incentivo mey mey di nan mes. Dubero ta wak e como “un competencia sano entre e scolnan.” Pronto e stoelnan ganado, hunto cu e otro nan cu ta cera e top 10 pa e hurado, lo ta visibel pa publico na sede di patrocinadonan manera Setar, Arvefa, De Wit & Van Dorp y Kooyman.

NO ENFRENTA CANCER DI PECHO BO SO

Mary Joan

Address: Sabana Blanco 8
Tel: 588-9999

PUEBLO A HAÑA SU PEN BEK



Pa kualkier informacion
solodipueblo@gmail.com
of
585-9500

LAGA NOS SIGUI RESA, PIDIENDO INTERCESSION DI SAN HUDAS TADEO

Hesus sea alaba y cu Maria semper sea alaba
Señor mes ta bisa:

“Unda tin dos of mas reuni den Su nomber eyan lo E ta memey di nan”
y tambe cu Su Palabra mes ta bisa:

“Un sembrado a sali bay sembra...Un parti di e simia a cay memey di piedra...Ora solo a sali,
el a kima e mata y ... el a seca.”

(Marco 4, 5-6)

E aña aki nos lo resa hunto atrobe pa haci un contribucion na un grupo y e aña aki nos lo
resa pa yuda Parokia La Birgen di Fatima Dakota pa cu drechamento di e Misa.

***No lubida! Esnan cu por, por bishita e Santuario di Hesus Sacramentado den silencio tur
dia for di 7 or di mainta pa 9 or di anochi na Misa La Birgen di Fatima Dakota y tambe na Blue
Army San Nicolas. Corda cu boso lo por hinca tur boso problema den Su man.***

***E Santo Sacrificio di Misa pa gradici San Hudatadeo pa e gracionan cu nos a ricibi lo
tuma luga na un Parokia cu cada devoto ta desea y hiba di gusto. Esaki mester tuma luga riba
Diasabra 31 di januari, 2015 na e ora cu tin Santo Sacrificio di Misa (generalmente ta 7 or di
anochi).*

%% *POR FAVOR ESNAN INTERESA PA UN ORACION NA CAS PA E AÑA AKI 2015 POR
CUMINSA TUMA CONTACTO CU SRA. ROSA MARIN-GEERMAN NA TEL: 582-4172,
MIRIAM VROLIJK (5941829 (por favor despues di 5'or p.m.) OF IDA CROES – 594-4144*%%
Awo laga nos sigui como devoto na

San Hudatadeo – Santo Abogado pa casonan imposibel
pa invita bo persona p'asina aki nos por resa hunto e aña aki atrobe
y hinca den su man nos intencionnan y plannan pa e por hiba nan na nos Tata Dios.

28 di cada luna lo tin resamento na un cas di un
devoto, (nos lo resa 9 luna na un cas di un devoto y na October lo tene San Hudatadeo su
nobena (19 october pa dia 27 october 2015 – Su Fiesta mes ta dia 28 di october) y p'esey awo
nos ta sigui y e siguiente oracion lo tuma luga riba

DIARANSON 28 di JANUARI 2015
na cas di FAMILIA MIRELLA TROMP.
WAYACA 16
TEL: 561-1863

“Ta bay pa pasa dilanti oficina di domeinbeheer/hypotheekkantoor/DIP y ex IMSAN, pasa
CARS (e luga di laba auto) yega na e T-weg na banda drechi di caminda tin e chinees
WAYACA SUPERCENTER, bira na man drechi sigui core e cas ta keda na skina na man
robres, un cas geel sin cura.”

Ora: 7:00 p.m.

UN Y TUR TA BON BINI
NA E ORACION AKI

Pues p'esey asisti sin falta y lo bo keda sigura
cu Nos Señor lo no nenga di scucha San Hudatadeo y nos Su yiunan cu nan peticionnan.
Bo devocion sigur lo engrandece y tin

San Hudatadeo como bo patrono pa sigui su ehempel ta algo grandi. Laga nos comparti
nos testimonio tambe cu nos rumannan den Cristo, confirmando cu Hesus ta Esun di ayera,
awe, mañan y semper y cu E ta bibo y cu San Hudatadeo a yuda nos experiencia esey!!!

Pagina local.....

Minister ing. Mike de Meza na KIA:

Un pabien pa nan sosten, dedicacion, perseverancia y lealtad durante 25 aña di servicio



Minister ing. Mike de Meza a representa Minister di Husticia mr. drs. Arthur Dowers na Instituto Coreccional Aruba KIA na un ocasion di entrega di certificado relaciona cu 25 aña di servicio di varios funcionario. Ta hubilarionan cu durante añanan a duna nan sosten, dedicacion y lealtad na cuida nos pueblo haciendo nan trabou cabalmente na e centro coreccional di Aruba.

Minister de Meza a cuminsa durante su

presencia den KIA na felicita Sra. Trudy Hassel cu e nombracion como Directora di KIA. E retonan ta grandi. Pero si tin un persona cu por eherce e funcion aki, Sra. Hassel ta e persona indica. Como comisario di polis, pa su experiencia, postura fuerte 'The Iron Lady' ta na su luga pa continua cu un bon trabou pa KIA y pa Aruba segun e reemplasante di Minister di Husticia.

Tambe den nomber di Gobierno e Minister a manda palabranan di


di SEPPA y John Maduro como un persona cu a traha 40 aña den e sector aki, pa duna dedicacion na e trabou y tambe e siguridad na e pueblo.

Na tur hubilario, majoor Sergio Quant, opzichter Leo Tromp, opzichter Edmundo Marlin, opzichter Cedric Rodriguez, opzichter Stephen Rodriguez, opzichter Ruben Mateo, majoor Luis Croes, opzichter Robertico Paesch, majoor Shaleen Ruiz Tromp, opzichter Gerald Weller, opzichter Victoriano Weller,

opzichter Mirto Koolman, opzichter Ludmila Dirks, opzichter Winston Boekhoudt, technisch medewerker Oscar v/d Linden, na boso tur den nomber di pueblo di Aruba, danki pa e añanan di dedicacion, specialmente na boso famia, danki pa duna sosten. Aruba mester di personanan asina pa continua cu un trabou excepcional manera cu boso a eherce durante 25 aña. Asina e mandatario a termina su discurso dialuna mainta den KIA na un momento hopi special.

Se arquila.

Appartamento mueblado estilo Hotel.
consiste de una abitacion, cocina ,comedor y banjo. aire acondicionado
Espacio Grande .Vecindario tranquilo y seguro.
pa maximo 4 personas .se arquila por dia oh por mes
Tell :5694343



Tip line Solo di Pueblo:
738-0101

PRO-LOCAL DE LA FUNDACIÓN

VEN CON NOSOTROS AL CLUB CAIQUETIO
EL 7 DE MARZO
REGISTRACIÓN 6:00 P.M.
INICIO 8:00 P.M.

NUESTRA META:
- Es desarrollar un centro para la colonia Dominicana que hacemos vida en Aruba.
- Realizar proyectos educativos y ayudar en caso de necesidad, entre otros.

Esperamos el apoyo de todos(as) en esta gran actividad, por el engrandecimiento de la colonia.

Unidos somos más
Te esperamos
Costo Afls. 10.- por Ticket
Mas de Afls. 4.000 en Premios

10 Premios Atractivos

Solo Local.....

Colegio San Nicolas ta retene titulo di Campeon den Volleyball Mucha Muher

E deporte di volleyball den e competencia escolar pa schoolnan di Enseñanza Avanza organiza pa IBISA a continua cu participacion di e scolnan: Maria College, EPB Hato, John Wesley College y Colegio San Nicolas cu nan team di mucha muher. E weganan pa e 'Final Nacional' a tuma lugar den Centro Libertador Betico Croes na Sta. Cruz.

E scolnan di Enseñanza Avanza semper ta duna e toke di emocion den cada wega y esaki sigur tabata e caso un biaha mas ora cu e mucha muhernan di Colegio San Nicolas ta midi forza contra esnan di John Wesley College. Decidido pa logra e titulo un aña mas Colegio San Nicolas ta subi cancha y den un wega yen di accion ta logra gana tur dos set cu score di 16-12 y 15-11. Mientras cu den e siguiente wega, e team di Maria College ta sali pa logra un victoria contra di John Wesley College. Na final ta logra tambe, ganando nan setnan cu score di 15-9 y 13-10.

E gran final nacional di volleyball escolar entre e schoolnan di Enseñanza Avanza a bay entre Maria College y Colegio San Nicolas. Apesar cu e mucha muhernan di Maria College a duna un fuerte bataya y a pone hopi accion den e wega, esnan di Colegio San Nicolas tabata enfoca riba cada hugada. Cu guia di nan coach y docente di deporte Johnny Winterdaal, e mucha muhernan ta gana convincentemente tur dos set cu score di 25-18 y 25-14 pa titula campeón di volleyball escolar 2015. Na di dos lugar ta finaliza Maria College, mientras cu John Wesley College ta keda na di tres lugar. Tur hungador a ricibi nan medaya y



Colegio San Nicolas ta bay cu e 'Copa Rotativo' di volleyball escolar.

E logro aki ta duna e scol di Colegio San Nicolas e oportunidad un biaha mas pa bay representa Aruba na e 'Weganan Interinsular 2015' cu e aña aki ta tuma lugar na Corsou durante e fin di siman di 17 pa 19 di

April 2015. Sigur e team di mucha muhe di Colegio San Nicolas tin otro reto nan dilanti na Corsou, na momento cu nan mester subi cancha pa defende nan titulo di campeón di volleyball Interinsular tambe.

IBISA ta felicita tur scol cu a participa y

specialmente e scolnan ganado. For di awo caba ta bay palabranan di exito na Colegio San Nicolas durante e 'Weganan Interinsular 2015' na Corsou.

Pa mas potret, por 'like y sigui nos riba Facebook Page di IBISA of website: www.ibisaruba.org.

Con pa abona na Solo di Pueblo?

Facil...

Yama nos oficina na 585-9500 y nos lo entrega bo corant tur mainta tempran den bo porta di cas.

Costo di Abono: Afl. 35.00 pa luna

Ta huur

Un apartment na Palm Beach
1 kamber, 2 baño, sala, A/C, comedor,
Cu propio stacionamento. Afl 1500,00 luz y awa apart.
Pa mas info yama 744-8224 of 740-6618

Ta buska cas of apartment complex pa Huur

Ta busca apartment of Cas di dos camber pa huur.
jamami :5694343

CLASIFICADO

25 florin pa 3 dia

40 florin pa 1
siman

Pasa na nos
oficina na Sta.
Cruz 110

Ta bende PATO:
Macho 50 pa un
Hembra 30 pa un

Ta chapi, corta
mata, verf, haci
cura limpi, tira
sushi afo, 15 florin
pa ora.
Yama 5690143

LOOKING FOR A CAREER?

If you are enthusiastic, ambitious
and a hard worker, you have a lot
to offer - then you are just the type
of person we are looking for. If you
are interested in a life-long career
with excellent earning potential, do
contact us at: auasales@gmail.com
and find out what we have to offer.

We are an equal
opportunity employer

TA BENDE

Cas na Tanki Leendert, 3
kamber, 2 baño, 2 apts.,
tereno 813 m2, construi
375 m2. Considerando
ubicacion favorabel y
grandura di tereno, tambe
bon pa negoshi cu amplio
espacio pa parkeer.
Prijs Afl. 475.000,--. Yama
5937118.

Ta Cumpra
Ta busca Cas pa Cumpra na
Savaneta
Ta busca tereno priva pa
cumpra na playa
Cell: 5694343

PUEBLO A HAÑA SU PEN BEK



Pa kualkier informacion
solodipueblo@gmail.com
of
585-9500

CUMINDA

Cushina di Dochi Lee

NOS SNACKS

Tur dia tin special di dia. bestel bo cuminda tempran
na 585-2585

Ta Huur

Un Snack Shop (Take
Away) den bon condicion
espacioso y situa na
caminda grandi
Sta.Cruz 27
Pa Mas Informacion yama:
5941402

TA BENDE:

2X PANASONIC AIRCO
18.000,BON CONDICION
PA AFLS.350,--
INCLUYENDO BRACKET
NOBO
PA MAS INFO CEL:730-
4242
RICARDO CROES

TA BUSCA

Un cas pa huur
pabao di brug
un cas di 2 of 3
kamber. Prijs di
700 florin pa 1000
florin. Yama 744-
3714 of 744-5093

TA HUUR

executive huis
2-verdieping 4slpk-3badk
was en berghok rustige
buurt scopetstraat 7
ponton afls.2750/p mnd
zonder meubels
afls.3000/p mnd semi
gemeubileerd
cel:561-1833

TA HUUR

Ta huur espacio comercial na Centro Comercial
Noord Afl. 500.00. Perfecto pa cualkier sorto di
oficina.

Adres: Noord 82.


Pa informacion yama 730-7000

Marios Septic Truck



Servicio rapido 560 3500

STA CRUZ BARBER SHOP



Habri tur dia te cu 9'or anochi. Situa dilanti Colegio
San Hose, (banda di Blush). Pasa cerca nos y nos lo
drecha bo look y ponebo master master!

*Sanador Spiritual
internacional y
Clarividente Mr. Mane
for di Africa
Specialista den tur
problema efectivo. Trece
bek sernan keru, exito den
negoshi, kita mala suerte y
magia preto. Ta resolve
problemanan financiero,
yuda pasa rijbewijs, yuda
cu dificultad sexual y
mucho mas. Resultadonan
rapido y garantiza
Pa mas info yama
5658369*

Resultado di number:**Diarazon 4 Febuari Merdia**

Catochi	Big 4
1.3108	6660
2.3236	
3.3186	

Zodiac	XXXXXXXXXX
2730 – Scorpio	XXXXXXX
	XXXXXXXXXX
	XXXXXXXXXX

Diarazon 4 Febuari Anochi

Catochi	Big 4
1.3128	5689
2.7295	
3.8807	

Zodiac	Lotto5
0620 – Scorpio	03-05-20-30-35
	Joker:02 Letter:E

Lotto di dia	Corsou
01-22-26-28-29	4015
	9939
	3032

Diario	Super 4
4823	5095
8341	
1503	

4 skina DIA**4 Skina Cur**

Representantenan di ATIA a bishita Minister di Finanzas



Diarazon atardi Minister di Finanzas a ricibi Sr. Michel Henriquez, Sr. Igmarr Reyes y tambe Sra. Mireille de Miranda di Aruba Trade and Industry Association (ATIA) pa papia tocante e ultimo desaroyonan y tambe aclaria cualkier duda cu e miembronan di ATIA a manifesta den e ultimo tempo.

E mandatario a bisa cu en berdad pa final di aña pasa, Gobierno a traha bou di hopi presion, principalmente debi na e situacion cu a presenta caminda cu e presupuesto 2014 no a wordo firma desde e prome instante. Sin embargo mirando cu e presupuesto 2015 ta duna continuidad na e palabracion y adaptacionnan den e version supletorio di 2014, Minister di Finanzas no ta spera cu lo presenta mesun obstaculo atrobe.

No obstante, e concepto di e presupuesto 2015 a wordo entrega caba na Sr. Gobernador pues mientras

tanto mester warda pa un fecha pa e wordo trata den reunion publico, despues cu Raad van Advies tambe duna su opinion.

E representantenan tabata tin varios pregunta tocante College Financieel Toezicht (Cft), pa loke Minister Bermudez a informa cu e tambe a tuma nota di e 'promotional tour' cu e colegio aki a haci durante e ultimo dianan na Aruba.

En general e reunion a bay den bon ambiente y sigur a logra aclaria varios pregunta cu e representantenan di ATIA a trece padilanti pa loke ta trata entre otro e maneho pa 2015 y e reforma fiscal. Den varios ocasion e mandatario di Finanzas, a expresa cu e semper ta habri pa reuni cu cualkier organizacion, gremio of sindicato, pues transparencia y bon comunicacion ta fundamental awendia pa logra un bon gobernacion.

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Orañestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad Nacional	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147

Agencia Funeral:

The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Botica na Warda

Yama pa informacion na
Horacio Oduber Hospital:
527-4000

Dokter na Warda

**PUEBLO A HAÑA SU
PEN BEK**

Pa kualkier informacion
solodipueblo@gmail.com

of
585-9500

Solo Local.....

Den cuadro cu e Maneho di Cultura di Minister Oduber

UNOCA cu un vision nobo lo ta mas proactivo y visible den comunidad



Minister di Cultura Otmar Oduber a reuni cu miembronan di Directiva di UNOCA.

Plannan y vision nobo den cuadro di maneho di Cultura di Aruba a haya atencion.

Diamars atardi Minister Oduber a haya un presentacion di UNOCA unda nan a presenta na su persona e ideanan nobo cu tin tocante maneho y vision di e instancia pa cu e sosten na e diferente proyectonan cultural na Aruba.

UNOCA pa hopi aña por

medio di un peticion a sostene economicamente proyectonan artistico cultural. Pero mirando e maneho di cultura nobo nan ta mira e necesidad pa nan tambe adapta nan maneho na uno mas moderno y proactivo cu ta cay den e cuadro aki.

Despues di a reuni na diferente ocasion cu Minister di Cultura nan a presenta nan ideanan, unda nan a splica riba nan plan di maneho pa 2 aña, 2015 y 2016 pa duna un miho bista di unda nan ta y unda nan kier yega.

A papia aki di metanan

tanto strategico como operacional, unda nan lo ta mas proactivo, visibel, dinamico y transparente.

Sra. Koolman Directora di UNOCA a splica cu nan ta hopi satisfecho cu e input di Minister Oduber pa asina aki mehora e calidad di producto y servicio cu UNOCA ta ofrece na e peticionarionan cu ta yuda promove cultura y arte aki na Aruba.

Den e transformacion y modernisacion aki UNOCA a enfoca tambe riba e diferente categorianan di arte, forma di expresion artistico y a categoriza nan proyectonan den gruponan clave y tin hopi enfoca riba proyectonan ehecuta door di e hoben y pa e hoben.

E plannan, vision y meta di UNOCA lo sigui contribui na educa y conserva cultura pa generacionnan cu ta bin.

TA BENDE

Hyundai Getz ana 2009 Automatic, den bon Condicion, low milage Interesa yama; 594-2334

Ta cumpra vehiculo

Ta cumpra tur clase di vehiculo
Ta cumpra tur modelo di vehiculo sin jun esepshon
yamami :5694343

Aruba Quality Service
Since 1980 giving service


Ta Drecha tur modelo di holoshi disenja y original
Ta Drecha holoshi nan antique

Ta Ofrece Personal cu 30 anja di experiencia
Yamami :5694343

**R.A.M. Muffler
Center N.V.**
Balashi 78 - Tel: 5858900

Pa tur problema di muffler pa bon prijs y calidad pasa serca nos riba highway di balashi

**Dialuna - Diabierna
8:00-12:30 - 1:30-5:00
Diasabra 8:00-12:00**



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

TRAPPERS CLUB
- Fiesta, reunion, ricibimento, bruid, fiesta grandi o chikito.
- Workciop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 739-0101 / 748-8280

Solo Local.....

**Dia di San Valentino 14 di februari
proximo malcria bo ser ker**

Okeanos Spa dedica na e luna di Amor



Dia di San Valentino ta un celebracion cu merece su toke special y Okeanos Spa ta specializa pa haci esaki. Riba Dia di San Valentino regala bo ser ker un certificado di regalo di Okeanos Spa of malcria un ser stima cu un tratamiento special cu ta brinda un corelacion perfecto entre tranquilidad interno y beyeza externo.

Scoge entre un Cove Couple Massage na Renaissance Island incluyendo un day pass pa Afl. 299.00, Valentine's Aroma Couple Massage pa 50 minuut pa Afl. 190.00, Valentine's Body Wrap pa 50 minuut plus un full body pampering pa Afl. 75.00, Couple Hanakasumi Body Exfoliation Massage pa 25 minuut combina cu massage pa 25 minuut y body scrub pa Afl. 200.00, European Facial pa 50 minuut pa Afl. 99.00 of Sweet Body Massage pa 50 minuut plus full body

relaxation pa Afl. 99.00. Okeanos Spa ta habri di 8'or di mainta te 8'or di anochi. Ta recorda tur cliente cu ta interesa den Cove Couple Massage na Renaissance Island pa reserva prome cu dia 14 di februari. E oferta aki lo ta balido te dia 28 di Februari, 2015.

Ademas di esaki, Okeanos Spa tin su reward card riba cual ta pone un stempel cada bes cu haci un compra na balor di Afl. 50,00 of mas. Na momento cu e reward card yega e cantidad di stempel maximo e cliente lo ricibi un descuento di Afl. 50,00 riba su siguiente tratamiento of compra di producto. Riba dia di San Valentino bo por conta cu Okeanos Spa. Pa mas informacion y reservacion por yama na 523. 6176 of djis pasa busca bo certificado di regalo awe mes.

Manifestantenan ta enfrenta cu polis na Haiti den protesta pa prijsnan di combustibel



Manifestantenan a enfrenta otro y cu polis ayera, dialuna, den e capital di Haiti, mey mey di protestanan contra e prijs halto di combustibel, cu a laga tres persona herida. Patruyanan di polis a tira bala y y gas lagromogeno pa dispersa un grupo di hoben cu tabata blokia caminda cu piedranan grandi y takinan palo. "Nos a pidi pa e prijs di combustibel baha cu 100 gorda (mas of menos 2 dollar) pa liter," e lier Anderson Desroches, a

bisa prensa. E gobierno nobo di Haiti a anuncia un fragmento chikito di 15 gorda (0.32 dollar) pa liter di gas y 10 gorda (0.21 dollar) pa kerosin, loke ta wordo considera insuficiente. Unc antidad di incidente violento a pasa durante e protestanan. Por lo menos tres persona a wordo tira den un bario zuid di e capital, durante confrontacion entre e hobennan cu tabata manifesta y polis. Manifestantenan a kibra bentana di auto

cu piedra den centro di Port-Au-Prince, caminda cu e hobennan a blokia cayanan importante. Den e ciudad por a scucha tiro di armanan automatico. Un huelga di transporte publico a afecta e funcionamiento di oficianan di gobierno, negoshi y school. E asociacion di transporte a pidi pa un huelga di dos dia pa pidi un reduccion di prijsnan di combustibel den un contexto di prijsnan abao mundial di crudo.

S-U-S-S-S-A

Split Unit Sprinkler System Saver Aruba

**Bo no tin "PLACA" pa Cumpra Airco Inverter
ata aki e solushon pa baha bo**

GASTO di Coriente di Airco Split Unit

"Garantisa cu 50% (of bo plaka bek)"

Simplemente un Adaptashon cu lo costabo


Afls: 250:= per Unit

Tel: 6000641

Solo.....

Accidente na cruzada di Venezuelastraat pa motibo di preferencia

Dialuna atardi a drenta informacion di un accidente na e cruzada Venezuelastraat/ Weststraat. Mesora a dirigi un patruya na e sitio. Na yegada di e patruya a bin compronde cu un chauffeur cu tabata bayendo pabao den Venezuelastraat no a duna preferencia na e otro auto bayendo nort den Weststraat. Afortunadamente ningun hende a resulta herida.



Auto pluma na Lagabena



Dialuna mainta tempran a drenta informacion cu un auto a ser haya parcialmente desmantela na e dam di Lagabena. Mesora a dirigi un patruya na e sitio. Na yegada di e patruya a bin topa cu e Nissan Sentra blanco A54105. E vehiculo aki tabata parcialmente desmantela. Polis a confisca e vehiculo pa mas investigacion.

Solo Local.....

Auto horta laga banda di Brickel Bay

Diasabra mainta a drenta informacion cu tin un auto cu lo a ser laga atras banda di Brickel Bay. Mesora a dirigi un patruya na e sitio. Na yegada di e patruya a bin topa cu e Nissan Sentra A30360. Ora cu a controla

e number, a bin descubri cu aki ta trata di un auto procedente di ladroncia. Polis a confisca e vehiculo aki y a laga takelwagen hibe na warda di polis pa mas investigacion.



Pa motibo di maribomba cuarto a keda completamente kima

Diabierna atardi durante patruya polisnan atento a nota cu tin un candela basta grandi na Nuñe. Mesora a busca manera di wak kiko ta kimando y a bin encontra cu un cuarto na candela. Segun esnan na e sitio nan tabata combatiendo neishinan di maribomba cu un bulto di paña mara na un palo yena cu fuel y pega na candela pa mata e maribombanan na nan neishi. Pero un pida paña na candela a cay y mesora a pega e cuarto na candela.

Den e cuarto tabata tin hopi pisa di auto. Na yegada di bombero mesora a combati e candela feroz aki cu si no

a ser paga mesora lo e por a expande y menasa otro casnan mas pabao.



Solodipueblo@gmail.com....

Polis a prohibi chauffeur cansa y burachi pa stuur




Diabierna madrugá un patrúya pasando den De La Sallestraat a nota un chauffeur basta cansa

para na banda di caminda. Mesora polis a para baha atende y a ripara cu e ta bao influencia di alcohol y no tabata apto pa stuur. Polis mesora a facilita un prohibicion pa stuur e 8 oranan cu ta sigui, ademas a kita e yabi for di dje. Mirando e situacion cu e ta y teniendo na cuenta cu e no ta biba leu, pa su mesun seguridad y di otro banda, a dicidi di baha na su cas.

Cushina di Siribana ta habri cu cuminda crioyo desde 18 di Februari tur diarazon y diabierna. Tin plato di fls. 9,- y 12,50. Tur diabierna tin pisca, calco. Por yama na 569 - 0131

Booshi un biaha mas drumi dilanti Hulp bestuurskantoor na Noord



Diabierna anochi a drenta informacion cu lo tin un persona benta banda di Hulpbestuurskantoor Noord. Mesora a dirigi un patrúya na e sitio. Na yegada di e patrúya a bin topa manera custumber e conocido Booshi, cual

for di merdia tabata riba un trip y ta te e oranan ey su bateria a baha. E agentenan a solicita e vehiculo policial pa bin dune un C.P.H. (Carga Pone y Hiba) na warda di Shaba pa e recharge ora su wayaba pasa.

For Sale

House For the Merchant

Family House on the main road of Savaneta.

3 bedrooms, 1 bathroom, kitchen and living Room separate.

a big apartment included plus a separate space for an office.

The location is perfect for any business.

Price : awg.360000 and any other offer is welcome.



Lugar Espacioso pa Huur cu por wordu usa especialmente como oficina di Security y cu tin su propio lugar pa estaciona.

Esaki ta situa na :

PALO DI BOONCHISTRAAT 3

Edificio na unda antes DOMESA tabata situa.

Pa mas informacion por yama na:

OCEAN AIR EXPRESS

Tel: 5859293 to cell: 7935392